

唐劉賓客詩集卷之一

太子賓客禮部尚書劉禹錫夢得撰

五言古詩

團扇歌

團扇復團扇奉君清暑殿  
秋風入庭樹從此不相見  
上有乘鸞女蒼蒼網蟲遍  
明年入懷袖別是機中練

宜城歌

野水繞空城行塵起孤驛  
荒臺側生樹古碣陽鐫額  
靡靡渡行人溫風吹宿麥

順陽歌

朝辭官軍驛前望順陽路野水齧荒墳秋蟲鏤官樹  
曾聞天寶來胡馬西南驚城守魯將軍拔城從此去

莫徭歌

莫徭自生長名字無符籍市易雜鮫人婚姻通木客  
星居占泉眼火種開山春夜渡千仞谿含沙不能射

度桂嶺歌

桂陽嶺下下復高高人稀鳥獸駭地遠草木豪寄言  
千金子知余歌者勞

插田歌

連州城下俯接村墟偶登郡樓適有  
所感遂書其事爲俚歌以俟采詩者

岡頭花草齊燕子東西飛田塍望如線白水光參差  
農婦白紵裙農夫綠簑衣齊唱郢中歌嚶嚶如竹枝  
但聞怨響音不辨俚語詞時時一大笑此必相嘲嗤  
水平苗漠漠煙火生墟落黃犬往復還赤雞鳴且啄  
路傍誰家郎烏帽衫袖長自言上計吏年幼離帝鄉  
田夫語計吏君家儂定計一來長安道眼大不相覷  
計吏笑致辭長安真大處省門高軻我儂人無度數  
昨來補衛士唯用筒竹布君看二三年我作官人去

葡萄歌

田野生蒲萄纏繞一枝高移來碧墀下

分岐浩繁縟脩蔓蟠詰曲揚翹向庭柯意思如有屬  
爲之立長檠布漢當軒綠朱液漑其根理踈看滲漉  
繁葩組綬結懸寶珠璣感馬乳帶輕霜龍鱗曜初旭  
有客汾陰至臨堂瞪雙目自言我晉人種此如種玉  
釀之成美酒令人飲不足爲君持一斗往取涼州牧

蠻子歌

鈎輈語音蠻身衣斑瀾布熏猩掘沙鼠時節祀盤瓠  
忽逢乘馬客恍若驚麝顧腰斧上高山竟行無舊路

馬嵬行

綠野扶風道黃塵馬嵬驛路邊揚貴人墳高三四尺

乃問里中兒言幸蜀時軍家誅戚族天子捨妖姬  
群吏伏門屏貴人牽帝衣低回轉美目風日爲無暉  
貴人飲金屑倏忽舜英姿平生服古丹顏色其如故  
屬車塵已遠里巷來窺覷共愛宿粧妍君王畫眉處  
履綦無復有文組光未滅不見巖畔人空見凌波襪  
郵童愛踪跡私手解繫結傳看千萬眼縷絕香不歇  
指環照骨明首飾敵連城將入咸陽市猶得賈胡驚

百花行

長安百花時風景宜輕薄無人不沾酒何處不聞樂  
長風連夜動微雨凌曉濯紅焰出墻頭雪光映樓角

繁紫映松竹遠黃繞籬落臨路不勝悲輕飛去何託  
滿庭蕩魂魄照廡成丹渥爛熳簇顛狂飄零勸行樂  
時節易晚晚清陰覆池閣唯有安石榴當軒慰寂寞

### 壯士行

陰風振寒郊猛虎正咆哮徐行出燒地連吼入黃茅  
壯士走馬去鎗前彎玉弣叱之使人立一發如鼓交  
悍睛忽星墮飛血濺林梢彪炳爲我席羶腥充我庖  
里中欣害除賀酒紛吹號明日長橋上傾城看斬蛟

### 苦雨行

悠悠飛走情同樂在陽和歲中三百日常恐風雨多

天人信遐遠時節易蹉跎洞房有明燭無乃酣且歌

### 華山歌

洪鑪作高山元氣鼓其橐俄然神功就峻拔在寥廓  
靈跡露指爪殺氣見稜角凡木不敢生神僊聿來託  
天資帝王宅以此爲闕鑰能令下國人一見換神骨  
高山固無限如此方爲嶽丈夫無特達雖貴猶碌碌

### 拋毬樂詞二首

五綵綉團圓登君璫瑁筵最宜紅燭下偏趁落花前  
上客如先起應須贈一船

### 其二

春早見花枝朝朝恨發遲及看花落後却憶未開時  
幸有拋毬樂一杯更莫辭

華清詞

日出驪山東裴徊照溫泉樓臺影玲瓏稍稍開白烟  
言昔太上皇寄居此祈年風中聞清樂往往來列仙  
翠華入五雲紫氣歸上玄哀哀生人淚泣盡弓劍前  
聖道本自我凡情徒顛然小臣感玄化一望青冥天

送春曲三首

春向晚春晚思悠哉風雲日已改花葉自相催漠漠  
空中去何處天際來

其二

春已暮冉冉如人老映葉見殘花連天是青草可憐  
桃與李從此同桑棗

其三

春景去此去何時回遊人千萬恨落日高臺寂寞  
繁花盡流鶯歸不歸

初夏曲三首

銅壺方促夜斗柄暫南回稍嫌單服重初憐北戶開  
西園花已盡新月爲誰來

其二

時節遇繁華陰陰千萬家  
巢禽命子戲園果墜枝斜  
寂寞孤飛蝶窺叢覓晚花

其三

綠水風初暖青林露早晞  
麥隴雉朝雒桑野人暮歸  
百舌悲花盡絕無來去飛

搗衣曲

爽砧應秋律繁杵含凄風  
一一遠相續家家音不同  
戶庭凝露清伴侶明月中  
長裾委襜積輕珮垂玃瓏  
汗餘移更馥鈿移麝半空  
報寒驚邊雁促思聞候蟲  
天狼正芒角虎落定相攻  
盈篋寄何處征人如轉蓬

畬田作

何處好畬田團團縵山腹  
鑽龜得兩卦上山燒臥木  
驚麋走且顧群雉聲咿啞  
紅焰遠成霞輕燦飛入郭  
風引上高岑獵獵度青林  
青林望靡靡赤光低復起  
照潭出老蛟爆竹驚山鬼  
夜色不見山孤明星漢間  
如星復如月俱逐曉風滅  
木從敲石光遂至烘天熱  
下種暖灰中乘陽圻牙孽  
蒼蒼一雨後蒼穎如雲發  
巴人拱手吟耕耨不關心  
由來得地勢徑寸有餘金

題鳩吟

朝陽有鳴鳳不聞千萬祀  
題鳩催衆芳晨間先入耳

秋風白露晡從是爾啼時如何上春日唧唧滿庭飛

觀雲篇

興雲感陰氣疾走如見機晴來意態行有若功成歸  
葱籠含晚景潔素凝秋暉夜深度銀漢漠漠仙人衣

養鷲詞

送送少年志在蓬萊大呼鷹隼以翼飛走  
因欲觀之卒年無幾人自有常事於斯  
若曰夫鷲鳥能擊而不可捕之過其故也  
予感之作養鷲詞

養鷲非玩形所資擊鮮力少年昧其理日月哺不息  
探雛網黃口且暮有餘食寧知下講時翅重飛不得  
毳毳上林表狡兔自南北飲啄既已盈安能勞羽翼

別友人後得書因以詩贈

前時送君去揮手青門橋路轉不相見猶聞馬蕭蕭  
今得出關書行程日已遙春還遲君至共結芳蘭苕

送華陰尉張苕赴邑府使幕

張即燕公之孫  
頃坐事除名

昔忝南宮郎往來東觀頻嘗披燕文傳聳若窺三辰  
翊聖崇國本像賢正朝倫高視緬今古清風曩無鄰  
蘭錡照通衢一家十朱輪鄴國嗣侯絕韋卿世業貧  
夫子承大名少年振芳塵青袍仙掌下矯首凌烟旻  
公冶本非罪潘郎一爲民風霜苦搖落堅白無緇磷  
一旦逢良時天光燭幽淪重爲長裾客佐彼觀風臣

分野窮禹畫人煙過虞巡不言此行遠所樂相知新  
雨起巫山陽鳥鳴湘水濱離筵出蒼莽別曲多悲辛  
今朝一杯酒明日千里人從此孤舟去悠悠天海春

送湘陽熊判官孺登府罷歸鍾陵因寄呈江西

裴中丞二十三兄

射策志未就從事歲云除篋留馬卿賦袖有劉弘書  
忽見夏木深悵然憶吾廬復持州民刺歸謁專城居  
君家誠易知勝絕傾里閭人言北郭生門有卿相輿  
鍾陵藹千里帶郭西江水朱檻照河宮旗亭綠雲裏  
前來初缺守慎簡由宸扆臨軒弄郡章得人方付此

是時左馮翊天下第一理貴臣持牙璋優詔發青紙

迎風姦吏免先令疲人喜何武効腐儒陳蕃禮高士

昔升君子堂腰下綬猶黃

中丞時爲萬年尉

汾陰有寶氣赤

董多以鏗束簡下曲臺佩鞬來歷陽綺筵陪一咲蘭  
室襲餘芳風水忽異勢江湖遠相忘因君倘借問爲  
話老滄浪

送韋秀才道冲赴制舉

驚禽一辭巢棲息無少安秋扇一離手流塵蔽霜紈  
故侶不可追涼風日已寒遠逢杜陵士別盡平生歡  
逐客無印綬楚江多正蘭因居暇遊時長鉞不復彈



閱書南軒際絙瑟清夜闌萬境身外寂一杯腹中寬  
伊昔玄宗朝冬卿冠鴛鸞肅穆升內殿從容領儒冠  
游夏無措詞陽秋誰不刊至今群玉府學者空縱觀  
世人希德門揭若攀峯巒之子向明訓鏘如振琅玕  
一旦西上書道上拂征鞍荆臺宿暮雨漢水浮春瀾  
君門起天中多士如星攢煙霞雙闕覆抃舞羅千官  
清漏宿銅壺仙厨下雕檠熒煌仰金榜錯落濡飛翰  
古來才傑士所歎遭時難一鳴從此始相望青雲端

送李策秀才還湖南因寄懷中親故兼簡衡州

李八郎中

深春風日爭晝長幽鳥鳴僕夫前致詞門有白面生  
攝衣相問訊解帶坐南榮端志見眉睫方言發精誠  
因出懷中文調孤詞亦清悄如促柱絃掩抑多不平  
乃言本蜀上世降岷山靈前人秉藝文高視來上京  
曳綬司徒府所從信國楨折薪委寶林善響繼家聲  
何處翳附郭幾人思却成雲天望喬木風水悲流萍  
前與計吏西始列貢士名森然就華禮從使春官卿  
帝城岐路多萬足俟晨星茫茫風塵中工拙同有營  
寒女勞夜織山苗榮寸莖侯門方擊鍾衣褐誰將迎  
弱羽果摧頽壯心鬱怍怍詎無蟠木客聊復蓬累生

昨日訊靈龜繇言利艱貞當求捨拔中必在審已明  
誓將息薄遊焦思窮筆精時蘭在幽渚安得揚芬馨  
嗟余摧落者散質負華纓一聆苦辛詞再動伊鬱情  
身弃言不動愛才心上驚恨無羊角風使爾化北溟  
論罷情益親涉旬忘歸程日携邑中客閑眺江上城  
晝愒命金壘宵談轉璿衡薰風香麈尾月露濡桃笙  
忽被戒羸驂薄言事南征火雲蔚千里旅思浩已盈  
湘江含碧虛衡嶺浮翠晶豈伊山水異適與人事并  
油幙侶昆丘粲然疊瑤瓊庾樓見清月孔座多綠醴  
復有衡山守本自雲龍亭抗志在靈府發越侔咸英

一揮出滎陽惠彼嗤嗤氓隼旆辭灞水居者皆涕零  
惟昔與伊人交歡經宿齡一從雲雨散滋我鄙吝萌  
北渚不堪愁南音誰復聽離憂若去水浩蕩無時停  
嘗聞祝融峯上有神禹銘古石琅玕姿祕文螭虎形  
聖功苴遠服神物擁休禎賢人在其下彷彿疑蓬瀛  
君行歷郡齋大袂拂雙旌容遇朗鑒肝高可以呈  
昔日馬相如臨卭坐盡傾勉君刷羽翰蚤取凌青冥

送張盥赴舉

爾生始懸弧我作座上賓引箸舉湯餅祝詞天麒麟  
今成一丈夫坎壈愁風塵長裾來謁我自號廬山人

道舊與撫孤悄然傷我情依依看眉睫嘿嘿含悲辛  
永懷同年友追想出谷晨三十二君子齊飛凌煙旻  
曲江一會時後會已彫淪况今三十載閱世難重陳  
盛時一已過來者日日新不如搖落樹重有明年春  
火後見琮璜霜餘識松筠肅機乃獨秀武部亦絕倫  
爾今持我詩西見二重臣成賢必念舊貴保在安貧  
清時爲情節氣力侔陶鈞乞取斗升水因之雲漢津

送和州錢侍郎自宣州幕拜官使於華州覲省

五綵繡衣裳當年正相稱春風舊關路歸去真多興

蘭陔行可採蓮府猶回瞪楊家紺幘迎

侍御郎王謝  
公貴壻

守瑤華贈

宣州在相公  
有詩贈行

御街草泛灑臺栢煙含暝

是主者留無因理歸乘

送僧及南謁柳員外

昔日廬山遠精舍虎溪東朝陽照瀑水樓閣虹霓中  
騁望羨雲游振衣若秋蓬舊房閉秋月遠思吟江風  
古寺歷頭陀竒峯板祝融南登小樓嶺却望歸塞鴻  
衣裊貯文章自言學雕蟲捨揄念陵厲覆篲而穹崇  
遠郡多暇日有詩訪禪宮石門崇峭絕竹院含空濛  
幽響滴巖溜暗芳飄野叢海雲懸颼毋山果屬狙公  
忽憶吳興郡白蘋正葱蘢願言挹風采邈若窺華松

桂水多夏瀾火山消焰紅三衣濡菌露一錫飛煙空  
勿謂靈譯徒才爲文雅雄古來賞音者焦爨得孤桐

送惟良上人

高齋映寒水是夕山僧至玄牝無關鎖瓊書拾文字  
燈明香滿室月午霜凝地語到不言時世間人盡睡

翠微寺有感

吾王昔遊幸離宮雲際開朱旗迎夏早涼軒避暑來  
湯餅賜都尉寒氷領上才龍顏不可堦玉座生塵埃

觀舞柘枝二首

胡服何處楚僊童登綺幄神颯紅紫龍燭映金枝

垂帶覆纖腰安鈿當嫵眉翹袖中繁鼓傾眸遡華棖  
燕秦有舊曲淮南多冶詞欲見傾城處君看起節時

其二

山雞臨清鏡石燕赴遙津何如上客曾長袖入華裯  
體輕似無骨觀者皆聳神曲盡回身去層波猶注人

連州臘日觀莫徕獵西山

海天殺氣薄蠻軍步伍囂林紅葉盡變原黑草如燒  
圍合繁鉦息禽與大旆搖張羅依道口旋犬上山腰  
倩鷹慮奮迅驚鹿時踟跳瘴雲四面起腦雪半空消  
箭頭餘鷁血鞍傍見雉翹日暮還城邑金笳發麗譙

寄陝州姚中丞

時分司  
東都

八月天地肅二陵風雨收旌旗闌下來雲日關東秋  
禹跡想前事漢臺餘故丘徘徊襟帶地左右帝王州  
畱滯悲昔老恩光榮徹侯相思望棠樹一寄商聲謳  
奉酬湖州崔郎中見寄五韻

山陽昔相遇灼灼晨葩鮮同遊翰墨場和樂填荒然  
一落名宦途浩如乘風船行當衰暮日臥理淮海邊  
猶期謝病後共樂桑榆年

學阮公體三首

少年負志氣信道不從時只言繩自直安知室可欺

百勝何慮敵三折乃良醫人生不失意焉能暴已知

其二

朔風悲老驥秋霜動鷲禽出門有遠道平野多層陰  
滅沒馳絕塞振迅拂華林不因感衰節安能激壯心

其三

昔賢多使氣憂國不謀身目覽千載事心交上古人  
侯門有仁義靈臺多苦辛不學腰如磬徒使甑生塵

偶作二首

終朝對尊酒嗜興非嗜甘終日偶衆人縱言不縱談  
世情閑盡見藥性病多諧寄謝嵇中散予無甚不堪

其二

萬卷堆床書學者識其真萬里長江水征夫渡要津  
養生非但藥悟佛不因人燕石何須辨逢時即至珍

昏鏡詞 并引

鏡之工列十鏡於賈奩發奩而視其一較  
如其九霧如或曰良賈之不侔甚矣工解  
願謝曰非不能盡良也蓋賈之意唯售是  
念今來市者必歷鑿昧爾已宜彼皎者不  
能隱若被之瑕非美容不合是用  
什一其數也予感之作昏鏡詞

昏鏡非美金漠然喪其精陋容多自欺謂若他鏡明  
瑕疵闇不見妍態隨意生一日四五照自言美傾城  
飾帶以綺繡裝匣以瓊瑛秦宮豈不重非適乃為輕

秋晚題湖城驛池上亭

秋次池館上林塘照南榮塵衣紛未解幽思浩已盈  
秋蓮墜故萼露菊含晚英恨為一夕客愁聽晨鷄鳴

賈客詞 并引

五方之賈以財相雄而鹽賈尤熾  
或曰賈雄則農傷予感之作是詞

賈客無定遊所遊唯利并眩俗維良苦乘時取重輕  
心計折秋毫搖鈎侔懸衡錐刀既無棄轉化日已盈  
徼福禱波神施財遊化城妻約雕金釧女垂貫珠纓  
高資比封君奇貨通倖卿趨時驚鳥思藏錐盤龍形  
大艫浮通川高樓次旗亭行止皆有樂關梁自無征

農夫何為者辛苦事寒耕

調瑟詞 并引

里有富豪翁厚自奉養而嚴督減獲力屈形削猶役之無蕪極一旦不堪命亡者過半追亡者亦不來復翁頹沮而追昨非之莫及也予感之作調瑟詞

調瑟在張絃絃平音自足朱絃二十五缺一不成曲  
美人愛高張瑤鞍再三促上絃雖獨響下應不相屬  
日暮聲未和寂寥一枯木却顧膝上絃流淚難相續

讀張曲江集作 并引

世稱張曲江為相建言放臣不宜與善地多徙五溪不毛之鄉及今讀其文自內職收始安有瘴癘之歎自退相守荆門有拘囚之思託詞禽鳥寄詞草樹鬱然有騷人

風嗟夫身出於遐陬一失意而不能堪矧華人士族而必致醜地然後快意哉議者以曲江為良臣識胡鵬有反相蓋凡器與同列容啓廷爭雖古哲人不及而燕翼無似終為餒鬼豈伎心失怒怨陰謫最大雖二美莫贖邪不然何袁公一言明楚獄而鐘鼎四葉以是相較神可誣乎予讀其文因為詩以吊

聖言貴忠 怨至道重觀身法在何所恨色相斯為仁  
良時難久 恃陰謫豈無因寂寞韶陽廟魂歸不見人

詠古 一首有所寄

車音想麟 不見綦下塵可憐平陽第歌舞嬌青春  
金屋容色 仕文園詞賦新一朝復得幸應知失意人

其二

寂寥照鏡 靈遺基古南方真人昔來遊翠鳳相隨翔  
目成在桑野志遂貯椒房豈無三千女初心不可忘

磨鏡 楠

流塵翳明鏡歲久看如漆門前負局人爲我一磨拂  
萍開綠池滿暈盡金波溢白日照空心圓光走幽室  
山神妖氣沮野魅真形出却思未磨時瓦礫來唐突

登司馬錯古城

秦昭王命錯征五溪  
蠻城在武陵沅江南

將軍將秦 卽西南真遐服故壘清江上蒼烟晦喬木  
登臨直蕭水周覽壯前躅塹平陳葉滿墉高秋蔓綠

廢井抽寒菜毀臺生魯穀耕人得古器宿雨多遺鏃  
楚寒鬱重疊蠻溪分詰曲留此數仞基幾人生遠目

謁枉山會禪師

我本山東人平生多感慨弱冠遊咸京上書金馬外  
結交當世賢馳聲邑四塞勉脩貴及早徂健不知退  
鏘銖揚芬馨尋尺招取纈淹留郢南都摧頽羽翰碎  
安能咎往事且欲去沈痾吾師得真如寄在人寰內  
哀我墮名網有如翺飛輩瞳瞳揭智燭照使出昏昧  
靜見玄關啓歆然初心會夙尚一何微今得信可大  
覺路明證入便門通懺悔悟理言自忘處屯道猶泰



色身豈吾寶慧性非形礙思此靈山期未卜何年載

卧病聞常山旋師出勳宥過王澤大洽因寄李

六侍郎

寂寂重寂寂病夫臥秋齋夜蛩思幽壁槁葉鳴枯堦  
南國異氣候火旻尚昏霾瘴煙跼飛羽冷氣傷百骸  
昨聞凱歌旋飲至酒如淮無戰陋丹水垂仁輕豪街  
清廟既策勳圓丘俟燔柴車馬一以混幽遠靡不懷  
逐客顛顛久故鄉雲雨乖禽魚各有化予欲問齊諧

善卷壇下作

先生見堯心相與去九有斯民既已治我得安林藪

道爲自然貴名是無窮壽瑤臺在此山識者常回首

武陵觀火詩

楚鄉祝融分炎火常爲虞是時直突烟發自晨炊徒  
盲風扇其威白晝曛陽烏操縵不暇汲循墻還避踰  
怒如列缺光迅與芬輪俱聯延掩四達赫奕成洪鑪  
洶疑雲濤翻颯若鬼神趨當前迎歛赭是物同膏腴  
金烏入梵大赤龍遊玄都騰煙透窓戶飛焰生爨櫨  
火山摧半空星雨灑中衢瑤壇被髹漆寶樹攢珊瑚  
光縣與焦琴旗亭無酒濡市人委百貨邑令遺雙鳧  
餘勢下隈隩長燄烘舳艫吹菸照水府炙浪愁天吳

災罷雲日晚心驚視聽殊高灰辨厚庾黑土連闔閭  
衆燼合星羅遊分鑠人膚厚地藏宿熱遙林呈驟枯  
火德資生人庸可一日無御之失其道敲石彌天隅  
晉庫走龍劔吳宮傷燕雛五行有沴氣先哲垂訶謨  
宋鄭同日起時稱賢大夫無苛自可樂弭災竟所圖  
賢守恤人瘼臨煙駐驪駒吊傷色慘怛顏失詞劬愉  
下令蠲里布指期輕市祖閔垣適未立苦蓋自相娛  
山木行剪伐江泥宜瑾途已臣不必留何用徵越巫  
崔元受少府自貶所還遺山薑花以詩荅之  
故人博羅尉遺我山薑花採從碧海上來自謫仙家

雲濤潤孤根陰火照晨葩靜採扶桑日豔對瀛洲霞  
世人受苦辛塞櫛忘幽遐傳名入帝里飛驛辭天涯  
王濟本尚味石崇方鬪奢雕盤多不識綺席乃增華  
驛馬損筋骨貴人滋齒牙顧予藜藿士持此重咨嗟  
途中早發

馬踏塵上霜月明江頭路行人朝氣銳宿鳥相辭去  
流水隔遠村縵山多紅樹悠悠關塞內往來無閑步  
和董庶中古散調詞贈尹果毅

昔聽東武吟壯年心已悲如何當濩落聞君辛苦辭  
言有窮巷士弱齡頗尚竒讀得玄女符生當事邊時

借名遊俠窟結客幽并兒往來長秋間能帶雙鞬馳  
崩騰天寶末塵暗燕幽垂燿火入咸陽詔徵神武師  
是時占軍幕挿羽揚金羈萬夫列轅門觀射中戟支  
誓言雪國讎親愛從此辭中宵倚長劍起視蚩尤旗  
介馬晨蕭蕭陣雲竟天涯陰風獵白草旗渠光參差  
勇氣貫中腸視身忽如遺生擒白馬將虜騎不敢追  
貴臣上戰功名姓隨意移終歲肌骨苦他人印纍纍  
謁者旣清宮諸侯各罷戲上將賜甲第門戟不可窺  
背血下沾袷天高問無期却尋故鄉路孤影空相隨  
行逢里中舊撲宿昔可嗤一言合侯土腰佩黃金龜

問我何自苦可伶真數竒遲回顧徒御得色懸雙眉  
翻然悟世途撫已昧所宜田園已蕪沒流浪江海湄  
鷲禽毛翮摧不見高翔姿衰容蔽逸氣子子無人知  
寂寞草玄徒長吟下書帷聞君發哀韻若和瑤林枝  
有客識其真潺湲涕交頤飲爾一杯酒陶然足自怡

望衡山

東南地益卑維嶽資杜石前當祝融居上拂朱鳥翮  
青冥結精氣磅礴宣地脉還聞膚寸陰能致彌天澤

遊桃源一百韻

沅江清悠悠連日鬱岑寂回流抱絕巘皎鏡含虛碧

昏旦遮明媚煙嵐分委積香蔓垂綠潭暴龍照孤磧  
淵明著前志子驥思遠躅寂寂無何鄉密爾天地隔  
金行太元歲漁者偶探陟尋花得幽踪窺洞穿闔隙  
依微聞雞犬豁達值阡陌居人互相迎笑語如平昔  
廣樂雖交奏海禽心不懌揮手一來歸故溪無處覓  
絲絲五百載市朝幾遷革有路在壺中無人知地脉  
皇家感至道聖祚自天錫金闕傳本枝玉函留寶曆  
禁山開秘宇復戶紫靈宅藥檢香氣氤醮壇煙幕幕  
我來塵外躡瑩若朝星柝崖轉對翠屏水窮留畫鷁  
三休俯喬木千級扳峭壁旭日聞撞鐘綵雲迎躡屐

遂登最高頂縱目還是澤平湖見青草遠岸連霞赤  
幽尋如夢想絲思屬空閒寅緣且忘疲耽玩近成癖  
清猿俟朝發瑤草凌寒折祥禽舞葱龍珠樹搖玃璪  
羽人顧我笑勸我稅歸輓霓裳何飄颻童顏潔白皙  
重巖是藩屏馴鹿受羈勒樓居彌清霄蘿蒿成翠帟  
仙翁遺竹杖王母留桃核姹女飛丹砂青童護金液  
寶氣浮鼎耳神光生劍脊虛無天樂來僊宰鬼兵役  
丹丘肅朝禮五机工紉繹枕中淮南方牀下阜卿烏  
明鐙坐遙夜幽籟聽浙瀝因話近世仙聳然心神惕  
乃言瞿氏子骨狀非凡格往事黃先生群兒多侮劇

警然不屑意元氣貯肝膈往往游不歸洞中觀博奕  
言高未易信猶復加訶責一旦前致辭自云仙期迫  
言思有道骨前事常被謫如今三山上名字在真籍  
悠然謝主人後歲當來覲言畢依庭宇如烟去無跡  
觀者皆失次驚追紛絡繹日暮山徑窮松風自蕭槭  
適逢修蛇見瞋目光激射如嚴三清居不使恣搜索  
唯餘涉江勢八趾在沙礫至今東北隅表以壇上石  
列仙徒有名世人非目擊如何庭廡際白日振羽翮  
洞天豈幽遠得道如咫尺一氣無死生三光自遷易  
因思人間世前路何狹窄警然此生中善祝期滿百

大方播群類秀氣肖翁闢性靜本同和物牽成阻阨  
是非關方寸靈血昏精魄遂令多天傷猶喜見斑白  
喧喧車馬馳苒苒桑榆夕共安緹綉榮不悟泥途適  
紛吾本孤賤世業在逢掖九流宗指歸百氏旁攬摺  
公卿偶慰薦鄉曲繆推擇居安白社貧志傲玄纁辟  
功名希自取簪組俟揚歷書府蚤懷欽射宮曾發的  
起草香生帳坐曹烏集栢賜燕聆簫韶侍祠閱琮璧  
嘗聞履忠信可以行蠻貊自迷希古心妄恃干時畫  
巧言忽成錦苦志徒食糜平地生岑巒深心有矛戟  
曾波一震盪弱植忽淪溺北渚吊靈均長岑思亭伯

禍來昧幾兆事去空歎息塵累與時深流年隨漏滴  
才能疑木鴈報施迷夷跣楚秦繫鐘儀商歌勞寤戚  
稟生非懸解對境方感激自從嬰禍羅每事問龜策  
不正降雷雨環玦賜遷斥儻伏夷平人誓將羽衣客  
買山構精舍領徒問講席冀無身外憂自有閒中益  
道牙期日就塵慮乃冰釋且欲遺姓名安能慕竹帛  
長生尚學致一豈豈虛擲芝朮資猴糧烟霞拂巾幘  
黃石履看墮洪崖肩可拍聊復嗟蟬蛸何煩哀虺蜴  
青囊既深味瓊葩亦屢摘總無西山資猶免長戚戚  
客有爲余話登天壇遇雨之狀因以賦之

清晨登天壇半路逢陰晦疾行穿雨過却立視雲背  
白日照其上風雷走下內滉瀟雪海翻槎牙玉山碎  
蛟龍露鬚鬣神鬼含變態萬狀互生滅百音以繁會  
俯觀群動靜始覺天宇大山頂自晶明人間已霧霏  
豁然重昏斂澳若春冰潰反照入松門瀑流飛縞帶  
遙光泛物色餘韻吟天籟洞府撞仙鐘村墟起夕靄  
却見山下侶已如迷世代問我何處來我來雲雨外

秋江早發

輕陰迎曉日霞霽秋江明草樹含遠思襟懷有餘清  
凝睇萬象起朗吟孤憤平渚鴻未矯翼而我已遐征

因思市朝人方聽晨鷄鳴昏昏戀衾枕安見天氣英  
納爽耳目變玩竒筋骨輕滄洲有竒趣浩然吾將行  
有僧言羅浮寺因爲詩以寫之

君言羅浮上容易見九垓漸高元氣壯洶湧來翼身  
夜宿最高峯瞻望浩無鄰海黑天宇曠星辰來逼人  
是時當朏魄陰物恣騰振日光吐鯨背劍影開龍鱗  
條若萬馬馳旌旗聳齋淪又如廣樂奏金石含悲辛  
疑其有巨靈恠物盡來賓陰陽迭用事乃俾夜作晨  
咿啞天鷄鳴扶桑色昕昕赤波千萬里湧出黃金輪  
下視生物息罪如隙中塵醯雞仰甕口亦謂雲漢津

世人信耳目方寸度大鈞安知視聽外恠愕不可陳  
悠悠想大方此乃梧水濱知小天地大安能識其真

裴祭酒尚書見示春歸城南青松塢別墅寄王

左丞高侍郎之什命同作

蚤宦閱人事晚懷生道機時從學省出獨望郊園歸  
野約度春水山花映巖扉石頭解金章林下步綠薇  
青松鬱成塢脩竹盈尺圍吟風起天籟蔽日無炎威  
危徑盤羊腸連甍聳暈飛幽谷響樵斧渾潭環釣磯  
因高見帝城冠蓋揚光輝白雪難持寄清韻投所希  
二公如鳳雛比翼翔太微含情謝林壑酬贈駢珠璣

顧予久即潛愁寂對芳非一聞丘中趣再撫黃金徽

和河西裴君侍郎宿齋天平寺詣九龍祠祈雨

二十韻

有事九龍廟潔齋楚王祠玉簫何時絕碧樹空涼颺  
吏散埃壒息月高庭宇宜重城肅穆閉澗水潺湲時  
人稀夜復閑慮靜境亦隨緬懷斷齋足疑想乘鸞姿  
朱明感農節膏澤方愆期瞻言五靈瑞能救百穀萎  
伊喔晨雞鳴欄干斗柄垂修容謁神像注意陳正詞  
驚颺起泓泉若調雷雨師黑煙聳鱗甲酒液如芬絲  
豐隆震天衢列缺揮火旗炎空忽淒緊高雷玄纒縻

生物已霧霏濕雲稍離披丹霞啓南陸白水含東菑  
熙熙飛走適藹藹草樹滋浮光動宮觀遠思盈川坻  
吳公敏於政謝守工爲師商山有病客言賀舒龐眉

冬夜晏河中李相公中堂命箏歌送酒

朗朗鷓鴣絃華堂夜多思簾外雪已深座中人半醉  
翠蛾發清響曲盡有餘意酌我莫愁酒老來無逸氣

重至衡陽傷柳儀曹

元和乙未歲與故人柳子厚臨湘水爲別  
柳子厚自遷柳州余登陸赴連州後五年余  
從故道出杜嶺至前別處而  
君沒於南中因賦詩以投吊

憶昨與故人湘江岸頭別我馬映林嘶君颿轉山臧



馬嘶循古道 颯滅如流電 千里江離春 故人今不見

謫居悼往二首

邑邑何邑邑 長沙地卑濕 樓上見春多 花前恨風急  
猿愁腸斷叫 鶴病翹趾立 牛衣獨自眠 誰哀仲卿泣

其二

鬱鬱何鬱鬱 長安遠於日 終日念鄉關 燕來鴻復還  
潘岳歲寒思 屈平顛顛頽 頽殷勤望歸路 無雨即登山

唐劉賓客詩集卷之

唐劉賓客詩集卷之二

太子賓客禮部尚書 劉禹錫 夢得

七言古詩

更衣曲

博山烟燭吐香霧紅燭引至更衣處如何其夜夜漫  
漫隣鷄未鳴寒雁度庭前雪壓松桂叢廊下點點懸  
紗籠滿堂醉客爭咲語嘈噴琵琶青幕中

桃源行

漁舟何招招浮在武陵水拖綸擲餌信流去誤入桃  
源行數里清源尋畫花綿綿踏花覓徑至洞前洞門

蒼黑煙霧生暗行數步逢虛明俗人毛骨驚仙子爭  
來致詞何至此須臾皆破冰雪顏笑言委曲問人間  
因嗟隱身來種玉不知人間如風燭筵羞石髓勸客  
餐燈熱松脂留客宿鷄聲犬聲遙相聞曉色葱籠開  
五雲漁人振衣起出戶滿庭無路花紛紛翻然恐迷  
鄉縣處一息不肯桃源住桃花滿溪水似鏡塵心如  
垢洗不去仙家一出尋無踪至今水流山重重

洞庭秋月

洞庭秋月生湖心層波萬頃鎔黃金孤輪徐轉光不  
定遊氣濛濛隔寒鏡是時白露三秋中湖平月上天

地空岳陽樓頭暮角絕蕩漾已過君山東山城蒼蒼  
夜寂寂水月逶迤繞城白蕩槩已童歌竹枝連檣估  
客吹羌笛勢高夜久陰力全金氣肅肅開星躔浮雲  
野馬歸回首遙望星斗當中天天鷄相呼曙霞出歛  
影含光讓朝日日出誼譁人不閑夜來清景非人間

九華山

九華山在池州青陽縣西南九峯競秀神  
采奇異昔予仰大華以爲此外無奇愛女  
几荆山以爲此外無秀及今登九華始悼  
前言之容易也惜其地偏且遠不爲世所  
稱故歌以大之

奇峯一見驚鬼臆意想洪鑪始開闢疑是九龍天矯

欲攀天忽逢霹靂一聲化為石不然何至今悠悠億  
萬年氣勢不死如騰企音騫輕舉貌雲含幽兮月添冷日  
月凝暉兮江漾影結根不得要路津迥秀長在無人  
境軒皇封禪登雲亭大禹會計臨東溟乘標山行貌叻  
不來廣樂絕獨與猿鳥愁青熒君不見敬亭之山廣  
索漠兀如斷岸無稜角宣城謝公一首詩遂使聲名  
齊五岳九華山九華山自是造化一尤物焉能籍甚  
乎人間

### 秦娘歌 并引

秦娘本常尚書家工謳者初尚書爲吳郡  
得之命樂工誨之琵琶使之歌且舞無幾

何盡得其術居一二歲博之以歸京師京  
師多新聲善工於是又捨去故技以新聲  
度曲教之又盡其妙而秦娘名字往往見  
稱於貴遊之間元和初尚書薨於東京秦  
娘出居民間久之爲蘄州刺史張遜所得  
其後遜坐事謫居武陵郡遜卒秦娘無所  
歸地荒且遠無有能知其容與藝者故日  
抱樂器而哭其音嗷殺以悲維客聞之爲  
歌其事以足  
于樂府云

秦娘家本閭門西門前綠水環金隄有時粧成好天  
氣走上高橋折花戲風流太守常尚書路傍忽見停  
隼旗斗量明珠鳥傳意紺幘迎入專城居長髮如雲  
衣似霧錦茵羅薦承輕步舞學驚鴻水榭春歌撩上  
客蘭堂暮從郎西入帝城中貴遊簪組香簾櫳低鬟

緩視抱明月纖指破撥生胡風繁華一旦有消歇題  
劍無光履聲絕洛陽舊宅生草萊杜陵蕭蕭松栢哀  
粧奩蟲網厚如蠶博山爐側傾寒灰蘄州刺史張公  
子白馬新到銅駝里自言買笑擲黃金月墜雲收從  
此始安知鵬鳥座隅飛寂寞旅魂招不歸秦家鏡有  
前時結韉壽香銷故篋衣山城少人江水碧斷鴈哀  
猿風雨夕朱絃已絕爲知音雲鬢未秋私自惜舉目  
風煙非舊時夢尋歸路多參差如何將此千行淚更  
灑湘江斑竹枝

龍陽縣歌

縣門白日無塵土百姓縣前挽魚罟主人引客登大  
隄小兒縱觀黃犬怒鷓鴣驚鳴繞籬落橘柚垂芬照  
窓戶沙平草綠見吏稀寂寥斜陽照縣鼓

墻陰歌

白日左右浮天潢朝晡影入東西墻昔爲兒童在陰  
戲當時意小覺日長東鄰侯家吹笙簧隨陰促促移  
象牀西鄰田舍乏糟糠就影汲汲舂黃梁因思九州  
四海外家家只占墻陰內莫言墻陰咫尺間老却主  
人如等閑君看瞥眼光景促中心莫學太行山

踏潮歌并引

元和十年夏五月終風駕濤南海羨溢南  
人曰踏潮也率三更歲一有之余爲連州  
客或爲予言其狀因  
歌之附于南越志

屯門積日無回颿滄波不歸成踏潮  
轟如鞭石矻且  
搖虛空欲駕鼉鼉橋驚湍感縮悍而  
騎大陵高岸失  
蒼蕘四邊無阻音響調背負元氣掀  
重霄介鯨得性  
方逍遙仰鼻噓吸揚朱翹海人狂顧  
迭相招類衣壁  
首聲嘒嘒征南將軍登麗譙赤旗指  
麾不敢囂翌日  
風回沴氣消歸濤納納景昭昭烏泥  
白沙復滿海海  
色不動如青瑤

白鷺兒

白鷺兒最高格  
毛衣新成雪不敵衆禽喧呼獨疑寂  
孤眠芊芊草久立潺湲石前山正無雲飛去入遙碧

武夫詞

有武夫過說余以從軍之樂翌日質于通  
武之善經者則曰果有樂也夫或資而賞  
勞則樂用威雌而賞雌則樂橫去聲  
顧其樂安出耳又惕然作是詞

武夫何洸洸衣紫襲絳裳借問胡爲爾列校在鷹揚  
依倚將軍勢交結少年場探丸害公吏袖刃宿名倡  
家產既不事顧眄自生光酣歌高樓上袒裼大道傍  
昔爲編戶不足數血污城西一杯土南風無火楚澤  
閑夜行不鎖穆陵關策勲禮畢天下恭猛士按劍看

常山時常山  
不定

平齊行二首

胡塵昔起薊北門河南地屬平盧軍貂裘代馬繞東  
岳嶧陽孤桐削爲角地形十二虜意驕恩澤含容歷  
四朝魯人皆科帶弓箭齊人不復聞簫韶今朝天子  
聖神武手握玄符平九土初哀狂童襲故事文告不  
來方振怒去秋詔下誅東平官軍四合猶嬰城春來  
群鳥噪且驚氣如攘山墮其庭牙門大將有劉生夜  
半射落攬槍星帳中虜血流滿地門外三軍撫連臂  
驛騎函首過黃河城中無賊天氣和朝庭侍郎來慰

撫耕夫滿野唱行歌

其二

泰山沈寇六十年旅祭不享生愁烟今逢聖君欲封  
禪神使陰兵來助戰妖氛掃盡河水清日觀杲杲慶  
雲生開元皇帝東封時嘯曲興無窮調同詞不同願  
郎千萬壽長作主人翁

送裴處士應制舉

裴生久在風塵裏氣勁言高少知己注書曾學鄭司  
農歷國多於孔夫子往年訪我到連州無窮絕境終  
日遊登山日長試蠟屐入洞夏裏披貂裘白帝城邊

又相遇歛翼三年不飛去忽然結束如秋蓬自稱對  
策明光宮人言策中說何事掉頭不答看飛鴻彤庭  
翠松迎曉日鳳啣金榜雲間出中貴腰間傾酒立宰  
臣委佩觀搖筆古稱射策如彎弧一發偶中何時無  
由來草澤無忌諱努力滿挽當亨衢憶得當年識君  
處嘉禾日後聯墻住垂釣釣得王餘魚踏芳共登蘇  
小墓此事今同夢想間相看一笑且開顏老大希逢  
舊隣里爲君扶病到芳山

赴汝州途出浚下留辭李相公

長安舊遊四十載鄂渚一別四十年後來富貴已零

落歲寒松栢尚依然初逢建元尚文主雲闌天池共  
翔舞相看却數六朝臣屈指如今無四五夷門天下  
之咽喉昔時往往生瘡疣聯翩舊相來鎮壓四海吐  
納皆通流久別凡經幾多事何由說得平生愁千思  
萬慮盡如空一笑一言真可休世間何事最殷勤白  
頭將相逢故人功成名遂會歸老請向東山爲近隣

送李庚先輩赴選

一家何啻十朱輪諸父雙飛秉大鈞曾脫素衣參幕  
客却爲精舍讀書人離筵洛水侵杯色征路函關向  
晚塵今日山居賓主話知君不負帝城春



送僧仲制東遊兼寄呈靈澈上人

釋子道高神氣閑，住持曾上清涼山。晴空禮拜見真像，金毛玉髻卿雲間。西遊長樂隸僧籍，本寺門前曲江碧。松間白月照寶書，竹下香泉灑瑤席。前時學得經綸成，奔馳象馬開禪局。高筵談柄一麾拂，講下聽徒如醉醒。舊聞南方多長老，次第來入荆門道。荆州本自重彌天，南朝塔廟猶依然。宴坐東陽枯樹下，經行居止故臺邊。忽憶遺民社中客，爲我衡陽駐飛錫。講罷同尋相鶴經，閑來共樂登山屐。一旦揚肩望沃州，自言王謝許同遊。憑將雜擬三十首，寄與江南湯

慧休

觀碁歌送佺師西遊

長沙男子東林師，閑讀藝經工奕碁。有時凝思如入定，暗覆一局誰能知。今年訪予來小桂，方袍袖中貯新勢。山城無事愁日長，白晝懵懵眠匡牀。因君臨局看鬪智，不覺遲景沉西墻。自從山人遇樵子，直到開元王長史。前身後身付餘習，百變千化無窮已。初疑磊落曙天星，次見搏擊三秋兵。鴈行布陳衆未曉，虎穴得子人皆驚。行盡三湘不逢敵，終日饒人損機格。自言臺閣有知音，悠然遠起西遊心。商山夏木陰寂

寂好處徘徊駐飛錫忽思爭道畫平沙獨笑無言心  
有適藹藹京城在九天貴遊豪士足華筵此時一行  
出人意賄取聲名不要錢

送鴻舉師遊江南

禪客學禪兼學文出山初似無心雲從風卷舒來何  
處繚繞巴山不得去山川古寺好閑居讀盡龍王宮  
裏書使君灘頭揀石硯白帝城邊尋野蔬忽然登高  
心瞥起又欲浮杯信流水烟波浩淼魚鳥情東去三  
千三百里荆門峽斷無盤渦湘平漢濶清光多廬山  
霧開見瀑布西江月淨聞漁歌鐘陵八郡多名守半

是西方社中友與師相見便談空想得高齋獅子吼

三鄉驛樓伏覩玄宗望女兒山詩小臣斐然有感

開元天子萬事足唯惜當時光景促三鄉陌上望仙  
山歸作霓裳羽衣曲仙心從此在瑤池三清八境相  
追隨天上忽乘白雲去世間空有秋風詞

城西行

城西簇簇三叛族叛者爲誰蔡吳蜀中使提刀出禁  
來九衢車馬轟如雷臨刑與酒杯未覆讐家白官先  
請肉守吏能然董卓臍飢烏來覘桓玄目城西人散

秦街平雨洗血痕春草生

武昌老人說笛歌

武昌老人七十餘手把庾令相問書自言少小學吹  
笛早事曹王曾賞激往來鎮戍到蘄州楚山蕭蕭笛  
竹秋當時買材恣搜索典却身上烏貂裘古苔蒼蒼  
封老節石上孤生飽風雪商聲五音隨指發水中龍  
應行雲絕曾將黃鶴樓上吹一聲占盡秋江月如今  
老去語尤遲音韻高低耳不知氣力已微心尚在時  
時一曲夢中吹

西山蘭石試茶歌

山僧後簷茶數叢春來映竹抽新茸宛然爲客振衣  
起自傍芳叢摘鷹觜斯須炒成滿室香便酌砌下金  
沙水驟雨松聲入鼎來白雲滿鉢花徘徊悠揚噴鼻  
宿醞散清峭徹骨煩襟開陽崖陰嶺各殊氣未若竹  
下莓苔地炎帝雖嘗未解煎桐君有錄那知味新芽  
連拳半未舒自摘至煎俄頃餘木蘭霏露香微似瑤  
草臨浹色不如僧言靈味宜幽寂采采翹英爲嘉客  
不辭緘封寄郡齋軌井銅爐損標格何況蒙山顧渚  
春白泥赤印走風塵可知花蕊清冷味須是眠雲跛

石人

平秦二首

秦中秦中衆心死妖星夜落照河水漢家飛將下天  
來馬箠一揮門洞開賊徒奔騰望旗拜有若群蟄驚  
春雷狂童面縛登檻車太白妖矯垂捷書相公從容  
來鎮撫常侍郊迎肩文弩四人歸業閭里閑小兒踉  
跳健兒舞

其二

汝南晨雞喔喔鳴城頭鼓角音和平路傍老人憶舊  
事相與感激皆涕零老人收江前致辭官軍入城人  
不知忽驚元和十二載喜見天寶承平時

聚蚊謠

沉沉夏夜蘭堂開飛蚊俟暗聲如雷嘈然歘起初駭  
聽殷殷若自南山來喧騰鼓舞喜昏黑昧者不分聽  
者惑露花滴瀝月上天利嘴迎人着不得我軀七尺  
爾如芒我孤爾衆能我傷天生有時不可遇爲爾設  
幄潛匡牀清商一來秋日曉羞爾微形飼丹鳥

百舌吟

曉星寥落春雲低初聞百舌聞關啼花樹滿空迷處  
所搖動繁英墜紅雨笙簧百轉音韻多黃鸝吞聲燕  
無語東方朝日遲遲升迎風弄景如自矜數聲不盡

又飛去何許相逢綠楊路綿蠻宛轉似娛人一心百  
舌何紛紛醜顏俠少停歌聽墜珥妖姬和睡聞可憐  
光景何時盡誰能低回避鷹隼廷尉張羅自不關潘  
郎挾彈無情損天生羽族爾何微舌端萬變乘春暉  
南方朱鳥一朝見索漠無言高下飛

飛鷲操

鷲飛杳杳青雲裏鷲鳴蕭蕭風四起旗尾飄揚勢漸  
高箭頭若割聲相似長空悠悠霽日懸六翮不動凝  
風烟遊鷗翔雁出其下慶雲清景相回旋忽聞飢鳥  
一噪聚瞥下雲中爭腐鼠騰音礪吻相喧呼仰天大

嚇疑鷓鴣畏人避犬投高處俛吻無聲猶屢顧青鳥  
自愛玉山禾仙禽徒貴華山露撲檝危巢向暮時毡  
毳飽腹蹲枯枝遊童挾彈一麾附臆碎羽分人不悲  
天生衆禽各有類威鳳文章在仁義鷹隼儀形螻蟻  
心雖能戾天何足貴

秋螢引

漢陵秦苑遙蒼蒼陳根腐葉秋螢光夜空寂寥金氣  
淨千門九陌飛悠揚紛紛綸暉映互明滅金爐星噴鏗  
花發露華洗濯清風吹低昂不定招搖垂高麗果  
照蛛網斜歷璇題舞羅幌曝衣樓上拂香帟承露臺

前轉仙掌槐市諸生夜讀書北窓分明辨魯魚行子  
東山起征思郎中騎省悲秋氣銅雀人歸自入簾長  
門帳開來照淚誰言向晦常自明兒童走步嬌女爭  
天生有光非自衒遠近低昂暗中見撮蚊妖鳥亦夜  
起翅如車輪而已矣

傷秦妹行

并引

河南房開士前爲虞部郎中爲余言曰我得善箏人于長安懷遠里其後開士爲赤縣牧容州求國工而謝之藝工而大今年開士遺余新詩有悼佳人之句顧余知所自也惜其有良技獲所從而不可克入乃爲傷詞以贈開士

長安二月花滿城插花女兒彈銀箏南宮仙郎下朝

晚曲頭駐馬聞新聲馬蹄逶遲心蕩漾高樓已遠猶  
頻望此時意重千金輕鳥傳消息紺輪迎芳筵銀燭  
一相見淺笑低鬟初目成蜀絃錚鏦指如玉皇帝弟  
子韋家曲青牛文梓赤金簧玫瑰寶柱秋雁行歛蛾  
收袂凝清光抽絃授調怒且長八鸞鏘鏘渡銀漢九  
鸞威鳳鳴朝陽曲終韻盡意不足情思悄絕愁空堂  
從郎鎮南別城闕樓船里曲瀟湘月馮夷躡躩舞淥  
波鮫人出聽停綃梭北池含煙瑤草短萬松亭下清  
風滿北池萬松皆容州勝槩秦歌一曲此時聞嶺泉嗚咽腸堪  
斷來自長陵小市東薜華零落瘴江風侍兒掩泣悲

銀甲鸚鵡不言愁玉籠博山爐中香自滅鏡奩塵暗  
同心結從此東山非昔遊長嗟人與絃俱絕

### 採菱行

武陵俗事採菱歲秋矣有女郎盛遊于馬湖薄言採之歸以御客古有採菱曲傳其詞故賦之以俟採詩者

白馬湖平秋日光紫菱如錦綵鴛翔蕩舟遊女滿中  
央採菱不顧馬上郎爭多逐勝紛相向時轉蘭橈破  
輕浪長鬟弱袂披參差釵影釧文浮蕩漾笑語哇咬  
顧晚暉蓼花綠岸扣舷歸歸來共到市橋步野蔓繫  
船萍滿衣家家竹樓臨廣陌下有連檣多估客携

薦芰夜經過醉踏大隄相應歌屈平祠下沅江水月  
照寒波白煙起一曲南音此地聞長安北望三千里



國家圖書館, NATIONAL CENTRAL LIBRARY, TAIWAN, R.O.C.





唐劉賓客詩集卷之二

太子賓客禮部尚書 劉禹錫 夢得

五言律詩

春有情篇

爲問遊春侶春情何處尋  
花含欲語意草有闌生  
心雨頻催發色雲輕不作陰  
縱令無月夜芳興暗中深

七夕二首

河鼓靈旗動嫦娥破鏡斜  
滿空天是幕徐轉地爲車  
機罷猶安石橋成不礙槎  
誰知觀津女終日望雲涯

其二

天衢啓雲帳神馭上星橋初喜渡河漢頻驚轉斗柄  
餘霞張錦帳輕電閃紅銷非是人間世還悲後會遙

邊風行

邊風蕭蕭鳴邊馬滿磧生暗添弓箭力三上鼓鼙聲  
襲月寒暈起吹雲陰陣成將軍占氣候出號夜翻營

送工部蕭侍郎刑部李郎中並以本官兼中丞

分命充京西京北覆糧使

霜簡映金章相輝同舍郎天威巡虎落星使出駕行  
樽俎成全策京坻閱見糧歸來虜塵滅畫地奏明光

送太常蕭博士弃官歸養赴東都時元兄罷相為少師仲兄

為師官並分司洛邑

兄弟盡驚鸞歸心切問安貪榮五綵服遂掛兩梁冠  
侍膳曾調鼎循陔更握蘭從今別君後長憶德星看

送張盥赴舉并引

古人以借受學為同門友今人以借升名為同年友其語孰見縉紳者皆道焉余與張盥為友人由是道也曩吾見爾之始生以老成為祝今吾見爾之成人以未立為憂吾不幸向所謂同年友當其盛時照袂齊鑣亘絕九衢若屏風然今來落落如曙星之相望借日會合不煩異席可長太息哉然而尚書右丞衛大受兵部侍郎武庭碩二君者當時偉人咸萬夫之望足以十朋之多也第如京師無駸駸亦無忻忻爾時秋也吾為若叩商之謳幸有感夫二君子

祖帳臨周道前旌指晉城午橋群吏散亥市老人迎  
詩酒同行樂別離方見情從茲洛陽社吟詠見書生  
發華州留別張侍御

束簡下延閣買符驅短轅同人惜分袂結念醉芳樽  
切切別絃急蕭蕭征騎煩臨歧無限意相視却忘言  
奉送家兄歸王屋山隱居二首

洛陽天壇上依稀似玉京夜分先見日天淨遠聞笙  
雲路將雞犬丹臺有姓名古來成道者兄弟一同行  
其二

春來山事好歸去亦道遙水淨苔莎色露香芝朮苗

登臺吸瑞景飛步翼神飈願薦墳箴曲相將學玉簫

送王師曾協律赴湖南使幕

時永穆公之孫

翩翩馬上郎驅傳渡三湘橘樹沙洲暗松醪酒肆香

素風傳竹帛高價聘琳琅楚水多蘭芷何人事擷芳  
送趙中丞自司金外郎轉官參山南令狐僕射

幕府

趙氏弟兄皆僕射門客

綠樹滿褒斜西南蜀路賒驛門臨白草縣道入黃花  
相府開油幕門生逐絳紗行看布政後還從入京華

送盧處士歸嵩山別業

世業嵩山隱雲深無四隣藥爐燒姹女酒甕貯賢人

晚日華陰霧秋風函谷塵送君從此去鈴閣少談賓  
送洛中崔司業使君扶持赴唐州

綠野方城路殘春柳絮飛風鳴驕驕馬日照老萊衣  
洛苑魚書至江村雁戶歸相思望淮水雙鯉不應稀  
送李友路秀才赴舉

誰憐相門子不語望秋山生長綺紈內辛勤筆硯間  
榮親在名字好學弃官班佇俟明年榜高堂開笑顏  
送從弟侍郎赴浙西

銜命出尚書新恩換使車漢庭無右者梁苑重歸歟  
又食建業水曾依京口居共經何限事賓主兩如初

送元上人歸稽亭

重疊稽亭路山僧歸獨行遠峯斜日影本寺舊鐘聲  
徒侶問新事烟雲愴別情應誇乞食處踏遍鳳凰城

贈別君素上人

窮巷唯秋草高僧獨扣門相歡如舊識問法到無言  
水爲風生浪珠非塵可昏去來皆是道此別不銷魂

送深法師遊南岳

上人本資聖寺

師在白雲鄉名登善法堂十方傳句偈八部會壇場  
飛錫無定所寶書留舊房唯應銜果雁相送至衡陽  
贈贈別約師

師逢吳興守相伴住禪高春兩同栽樹秋燈對講經  
廬山曾結社桂水遠揚舲話舊還惆悵天南望柳星

送鴻舉師赴江南

看盡長廊遍尋僧一徑幽小池蕪鶴淨古木帶蟬秋  
客至茶烟起禽歸講席收浮杯明日去相望水悠悠

贈眼醫婆羅門僧

三秋傷望眼終日哭途窮兩目今光暗中年似老翁  
看朱漸成碧羞日不禁風師有金篦術如何爲發蒙

送如智法師

前日過蕭寺看師上講筵都人禮白足施者散金錢

方便無非教經行不廢禪還知習居士發論侍彌天

春日退朝

紫陌夜來雨南山胡羊看戟枝迎日動閣影助松寒  
瑞氣轉綃縠遊光泛波瀾御溝新柳色處處拂歸鞍

蜀先生廟

漢末諸黃牛白腹五銖當復

天地英雄氣千秋尚凜然勢分三足鼎業復五銖錢  
得相能開國生兒不象賢淒涼蜀故妓來舞魏宮前

經東都安國觀九仙公主舊院作

仙院御溝東今來事不同門開青草日樓閉綠楊風  
將大昇天路披雲卦月宮武皇曾駐驛親問主人翁

觀八陣圖

軒皇傳上畧蜀相運神機水落龍蛇出平沙鵝鶴飛  
波濤無動勢鱗介避餘威會有知兵者臨岐指是非

八月十五夜觀月

天將今夜月一遍洗寰瀛暑退九霄淨秋澄萬景清  
星辰讓光彩風露發晶英能變人間世儵然是玉京  
大和戊申歲大有年詔賜百寮出城觀秋稼謹  
書盛事以俟采詩者

長安銅雀鳴秋稼與雲平玉燭調寒暑金風鼓順成  
川原呈上瑞恩澤賜閑行欲及重城掩猶聞歌舞聲

金陵懷古

潮滿冶城渚日斜征虜亭蔡洲新草綠幕府舊烟青  
興廢由人事山川空地形後庭花一曲幽怨不堪聽  
晝居池上亭獨吟

日午樹陰正獨吟池上亭靜看蜂教誨閑想鶴儀形  
法酒調神氣清琴入性靈浩然機已息几杖復何銘  
分司東都蒙襄陽李司徒相公書問因以奉寄  
早忝金馬客晚爲商洛翁知名四海內多病一生中  
舉世往還盡何人心事同幾時登峴首恃舊揖三公  
門下相公榮加冊命天下同歡忝沐眷私輒敢

申賀

冊命出宸衷，官儀自古崇。持膺平土拜，光贊格天功。  
再佩扶陽印，常乘鮑氏聰。七賢遺老在，猶得詠清風。  
病中一二禪客見，問因以謝之。

勞動諸賢者，同來問病夫。添爐搗雞舌，灑水淨龍鬚。  
身是芭蕉喻，行須竹杖扶。醫王有妙藥，能乞一丸無。

秋江晚泊

長泊起秋色，空江涵露暉。暮霞千萬狀，賓鴻次第飛。  
古戍見旗迥，荒村聞犬稀。軻峨船上客，勸酒夜相依。  
步出武陵東，亭臨江寓望。

鷹至感風候，霜餘變林麓。孤颿帶日來，寒江轉沙曲。  
戍搖旗影動，津晚櫓聲促。月上彩霞收，漁歌遠相續。

秋日送客至潛水驛

候吏立沙際，田家連竹溪。楓林社日鼓，茅屋午時鷄。  
鵲噪晚禾地，蝶飛秋草畦。驛樓宮樹近，疲馬再三嘶。

湖州崔郎中曾長寄三癖詩，自言癖在詩與琴，  
酒其詞逸而高，今詠不足。昔柳吳興亭臯隴  
首之句，王融書之白團扇，故爲四韻以謝之。

視事畫屏中，自稱三癖翁。管絃泛春渚，旌旆拂晴虹。  
酒對青山月，瑟韻白蘋風。會書團扇上，知君文字工。

爲郎分司寄上都同舍

籍通金馬門家在銅駝陌省闕晝無塵官樹朝凝碧  
荒街淺深轍古渡潺湲石唯有高丘雲堪誇早朝客  
登陝州城北樓卻寄京都親友

獨上百尺樓目窮思亦愁初日徧露草野田光悠悠  
塵息長道白林清宿烟收回首雲深處永懷鄉舊游  
途中早發

中庭望啓明促促事晨征寒樹鳥如動霜橋人未行  
水流白煙起日上彩霞生隱士應高枕無人問姓名  
陝州河亭陪韋伍大夫雪後眺望因以留別與

韋有布衣之信一別一紛紛遷貶而歸

雪霽太陽津城池表襄春河流添馬頰原色動龍鱗  
萬里獨歸客一杯逢故人登高向西望關路正飛塵  
城中閑遊

借問池臺主多居要路津千金買絕境永日屬閑人  
竹逕縈紆入花林交曲巡斜陽衆客散空鎖一園春  
罷郡歸洛陽閑居

十年江海守旦夕有歸心及此西還日空城東武吟  
花前數杯酒月下—張琴聞說功名事依前惜寸陰

晚泊牛渚



廬葦晚風起秋江鱗甲生殘霞無變色遊鴈有餘聲  
戍鼓音響絕漁家燈火明無人能詠史獨自月中行

宿誠禪師山房題贈二首

晏坐白雲端清江直上看來人望金刹講席繞香壇  
虎嘯夜林動鼉鳴秋澗寒衆首徒起滅心在淨中觀

其二

不出孤峯上人問四十秋視身如傳舍閱世似東流  
法爲因緣立心從次第脩中宵問真偈有住是吾憂

贈澧州高大夫司馬震禹

前年收錦城馬蹋血泥行千里追戎首三軍許勇名

殘兵疑鶴唳空壘藉烏聲一誤雲中級南遊湘水清

聞董評事疾因以書贈

繁露傳家學青蓮譯梵書火風乖四大文字廢三餘  
歌枕晝眠靜折巾秋髮疎武皇思視草誰許茂陵居

詠庭梅寄人

蚤花常犯寒繁實常苦酸何事上春日坐令芳意闌  
天桃定相笑遊妓肯回看君問調金鼎方知正味難

德宗神武孝文皇帝挽歌二首

出震清多難乘時播大鈞操絃調六氣揮翰動三辰  
運偶升天日哀深率土人瑤池無轍迹誰見屬車塵

其二

鳳翼擁銘旌威遲異吉行漢儀陳祕器楚挽咽繁聲  
駐紼辭清廟凝笳背直城唯應晉內傳知是向蓬瀛  
敬宗睿武昭愍孝皇帝挽歌三首

寶曆方無限仙期忽有涯事親崇漢禮傳聖法殷家  
晚出芙蓉闕春歸棠棣華玉輪今日動不是畫雲車

其二

任賢勞夢寐登位富春秋欲遂東人行寧虞祀國憂  
長湯收羽騎太液泊龍舟惟有衣冠在年年愴月遊

其三

講學金華殿親畊鈎盾田侍臣容見獵方士信求仙  
虹影俄侵日龍顏不上天空餘水銀漢長照夜燈前  
文皇宗元聖昭獻孝皇帝挽歌三首

繼體三才禮承顏九族親禹功留海內殷曆付天倫  
調露曲常在秋風詞尚新木支方百代先讓棣華春

其二

月落宮車動風凄儀仗間路唯瞻鳳翼人尚想龍顏  
御宇方無事乘雲遂不還聖情悲望處沉日下西山

其三

享國十五載升天千萬年龍鑣仙路遠騎吹禮容全

日下初陵外人悲舊劍前周南有遺老掩淚望秦川  
故相國燕國公子司空挽歌二首

彫弓封舊國黑綃繼前功十年鎮南雍九命作司空  
池臺樂事盡簫鼓葬儀雄一代英豪氣曉散白揚風  
其二

陰山貴公子來葬五陵西前馬悲無主猶帶朔風嘶  
漢水青山郭襄陽白銅鞮至今有遺愛日暮人悽悽  
傷丘中丞

河南立絳有詞藻與余同升進士科從仕鄴下不幸遇害故為傷詞

款下殺才子蒼忙冤氣凝枯楊映漳水野火上西陵

馬鬣今無所龍門昔共登何人為吊客唯是有青蠅

河南觀察使故相國袁公挽歌三首

五軀龍虎節一入鳳凰池令尹自無喜羊公人不疑  
天歸京兆日葉下洞庭時湘水秋風至淒涼吹素旗  
其二

丹旄發江臯人悲雁亦號湘南罷亥市漢上改詞曹  
表墓雙碑立尊名一字褒常聞平楚獄為報里門高  
其三

返葬二千里荆衡遠帝畿逢人多故吏拜奠盡沾衣  
地得青烏相賓驚白鶴飛羊公碑尚在今日亦同歸

哭王僕射相公名播時兼  
鹽鐵暴薨

子輿一日病勝公千載歸門庭  
翊已變風物慘無輝  
群吏謁新府舊賓沾素衣  
歌堂忽暮哭賀雀盡驚飛

傷韋賓客自工部尚  
書除賓客

韋公八十餘位至六尚書  
五福唯無富一生誰得知  
桂枝板最久蘭省出城初  
海內時流盡何人動素車  
再經故元九相公宅池上作

故池春又至一到一傷情  
雁鷺群猶下蛙螟衣已生  
竹叢身後長臺勢雨來傾  
六尺孤女在人間未有名  
唐劉賓客詩集卷之三



唐劉賓客詩集卷之四

太子賓客禮部尚書

劉禹錫 夢得

五言排律

送工部張侍郎入蕃吊祭

時張兼脩史

月窟賓諸夏雲官降九天飾終隣好重錫命禮容全  
水咽猶登隴沙明稍極邊路因乘驛近志爲飲冰堅  
毳帳差池見烏旗搖曳前歸來賜金石榮耀自編年

早秋送臺院楊侍郎歸朝

兄弟四人遍歷諸科二人同省

仙署棣華春當時已絕倫今朝丹闕下更入白眉人  
重振高陽族分居要路津一門科第足五府辟書頻

鷺鳥得秋氣法星懸火旻聖朝寰海靜所至不埋輪

送陸侍御歸淮南使府五韻

用年字

江左重詩篇陸生名久傳鳳城來已熟羊酪不嫌羶  
歸路芙蓉府離堂瑤瑁筵秦山呈臘雪隋柳布新年  
曾忝揚州薦因君達短牋

時及承自鎮揚州寄詩未薦

送令狐相公自僕射出鎮南梁

夏木正陰成戎裝出帝京沾襟辭關淚回首別鄉情  
雲樹褒中路風煙漢上城前旌轉谷去後騎踏橋聲  
又領鴛行重無嫌虎綬輕終當提一筆再入副蒼生  
奉送裴司徒今公自東都留守再命太原

本封晉國

公兩任相去十六年

星使出關東兵符賜上公山河歸舊國箚管換離宮  
行色旌旗動軍聲鼓角雄愛棠餘故吏騎竹見新童  
漢壘三秋靜胡沙萬里空其如天下望旦夕詠清風

海 別浩初下

近郭有殊境獨遊常鮮惟逢君駐縑錫觀白稱林巒  
湖滿景方霽野香春未闌愛泉移席近聞石輟碁看  
風止松猶韻花繁露未乾晚橋形出樹巖影落池寒  
別路千嶂外詩情暮雲端他年買山處似此則隳官

許給事見示哭工部劉尚書詩因命同作

漢室賢王後

從叔望出河間

孔門高弟人濟時成國器樂道

任天真特達圭無玷堅貞竹有筠總戎寬得衆市義

貴能貧護塞無南牧馳心拱北辰乞身來關下賜告

卧漳濱榮耀初題劍清羸已拖紳宮星徒列位隙日

不回輪自昔追飛侶今爲侍從臣素絃哀已絕青簡

歎猶新未遂揮金樂空悲輒瑟晨淒涼竹林下無復

見清塵

奉和中書崔舍人八月十五日夜翫月二十韻

暮景中秋爽陰靈既望圓浮精離碧海分照接虞淵  
迥見孤輪出高從倚蓋旋二儀含皎澈萬象共澄鮮

整御當西陸舒光麗上玄從星變風雨順日助陶甄

遠近同時望晶熒此夜偏運行調玉燭潔白應金天

曲榭疑瑤鏡通衢若象筵逢人盡冰雪遇境即神仙

引素吞銀漢凝清洗綠烟臯禽驚露下鄰杵思風前

水是還珠浦山成種玉田劔沉三尺影燈罷九枝燃

象外形無跡寰中影有遷稍當雲闕正未映斗城懸

靜對揮宸翰閑臨縠彩牋境同牛渚上宿在鳳池邊

興掩尋安道詞勝命仲宣從今紙貴後不復詠陳篇

奉和淮南李相公暮秋即事寄成都武相公

八柱共承天東西別隱然遠夷爭慕化真相故臨邊

並進夔龍位仍齊龜鶴年同心舟已濟造膝壁常聯  
對領專征寄遙持造物權斗牛添氣色井落盡氛烟  
獻可通三畧分甘出萬錢漢南趨節制趙北賜山川  
玉帳觀渝舞虹旌獵楚田步嫌雙綬重夢入九城偏  
秋雨離情動新詩樂府傳聆音還竊抃不覺無么弦  
元和癸巳歲仲秋詔發江陵偏師問罪蠻徼後  
命宣慰釋兵歸降凱旋之辰率爾成詠寄荆  
南嚴司空

蠻水阻朝宗兵符下渚宮前籌得上策無戰已成功  
漢使星飛入夷心草偃同歡謠開竹棧拜舞戢桑弓

就日知冰釋投人念鳥窮網羅三面解章奏九門通  
卉服聯操袂雕題盡鞠躬降幡秋練白驛騎晝塵紅  
火號休傳警機橋罷亘空登山不見虜振旆自生風  
江遠烟波靜軍回氣色雄佇看聞喜後金石賜元戎  
武陵書懷五十韻

西漢開支郡南朝號戚藩四封當列宿百雉俯清沅  
高岸朝霞合驚湍急箭奔積陰春暗度將霽霧先昏  
俗尚東皇祀謠傳義帝冤桃花迷隱跡練葉慰忠魂  
戶筭資漁獵鄉豪恃子孫照山禽火動踏月俚歌喧  
擁楫舟爲市連薨竹覆軒披沙金粟見拾羽翠翹翻



若折滄溪秀蘋生枉渚暄禽鳴格磔起魚戲噉喙繁

按本草經曰鷓鴣聲如鉤輻格磔者是也沈約臺榭故李衡墟落存隱侯臺木

奴州並在湘靈悲鼓瑟泉客泣酌恩露變薰葭浦星懸橘

柚村虎咆空野震鼉作滿川渾隣里皆遷客兒童習

左言炎天無列井霜月見芳蓀清白家傳遠詩書志

所敦列科叨甲乙從宦出丘樊結友心多契馳聲氣

尚吞士安曾重賦元禮許登門草檄嫖姚幕巡兵戊

巳屯築臺先自隗送客獨留髡遂結王畿綬來觀衢

室尊鳶飛入鷹隼魚目儷瓊璫燭羅馳道朝陽開

帝闈正會夷夏月朔盛旗旛獨立當瑤關傳謠步

紫垣按章清狂獄視祭紫蘋繫御曆昌期遠傳家寶

祚蕃繇文光夏啓神教長軒轅內禪因天性雄圖授

化元繼明懸日月出震統乾坤大孝三朝備洪恩九

族惇百川宗渤解五岳輔崑崙何幸逢休運微班識

至尊校緡資筦權復上奉三園時以本官判度支監

一失貴人意徒聞大學論直廬辭錦帳遠守愧朱幡

關

早秋集賢院即事 時為學士

金數已三伏火星正西流樹含秋露曉閣倚碧天秋

灰瑄應新律銅壺添夜籌商飈從朔塞爽氣入神州

蕙草香書殿槐花點御溝山明真色見水靜濁煙收  
早歲忝華省再來成白頭幸依郡王府末路尚瀛州  
奉和吏部楊尚書太常李卿二相公策免後即  
事述懷贈荅十韻  
文雅關西族衣冠趙北都有聲真漢相無類勝隋珠  
當軸龍爲友臨池鳳不孤九天開內殿百拜看晨趨  
誠滿澄歌器成功別大鑪餘芳在公論積慶是神扶  
步武離台席徊翔集帝梧銓材秉秦鏡典樂去齊竽  
瀟灑風塵外逢迎詩酒徒唯應待華誥更入萬錢厨  
晚歲登武陵城顧望水陸悵然有作

星象承烏翼蠻陬想犬牙俚人祠竹節仙洞閉桃花  
城塞歷漢魏江原自賓巴華表廖立地菜地黃瓊家  
霜輕菊秀晚石淺水紋斜樵音繞故壘汲路明寒沙  
清風稍改葉蘆橘如含葩野橋過驛騎叢祠發迥笳  
跳鱗避舉網倦鳥寄行楂路塵高出樹山火遠連霞  
夕曛轉赤岸浮靄起蒼葭軋軋渡水漿連連赴林鴉  
叫閣道未遠賜環期日賒孤臣本危涕喬木在天涯  
罷郡歸洛陽寄友人

遠謫年猶少初歸鬢已衰門頻故吏去室靜老僧期  
不見蜘蛛集頻爲儂句欺微囊易出寒甚谷難吹

漢落唯心在平生有已知商歌夜深後聽者竟爲誰  
經伏波神祠

蒙蒙篁竹下有路上壺頭漢壘磨颯聞蠻溪霧雨愁  
懷人敬遺像閱世指東流自負霸王畧安知恩澤侯  
鄉園辭石柱筋力盡炎洲一以功名累翻思馬少游

唐劉賓客詩集卷之四

唐劉賓客詩集卷之五

太子賓客禮部尚書 劉禹錫 夢得

七言律詩

送春詞

昨來樓上迎春處今日登樓又送歸  
蘭蕪殘粧含露泣柳條長袂向風揮  
佳人對鏡容顏改楚客臨江心事違  
萬古至今同此恨無如一醉盡忘機

送李尚書鎮滑州

自浙西觀察徵拜兵部侍郎月餘有此拜

南徐報政入文昌東郡須才別建章  
視草名高同蜀客擁旄年少勝周郎  
黃河一曲當城下緹騎千重照

路傍自古相門還出相如今人望在巖廊

送渾大夫赴豐州

鳳銜新詔降恩華又見旌旗出漢家故吏來辭辛屬  
國精兵願逐李輕車氈裘君長迎風馭錦帶酋豪踏  
雪衙其奈明年好春日無人喚看牡丹花

送源中丞充新羅冊立使

侍中孫

相門才子稱華簪持節東行捧德音身帶霜威辭鳳  
關口傳天語到鷄林煙開鰲背千尋碧日浴鯨波萬  
頃金想見扶桑受恩後一時西拜盡傾心

送王司馬之陝州

王常丞此王為詩

暫輟清齋出太常空携詩卷過甘棠府公既有朝中  
日司馬應容酒後狂案牘來時唯署字風烟入興便  
成章兩京大道多遊客每遇詞人戰一場

洛中送處厚入關使遊蜀謁韋令公

洛陽秋日正淒淒君去西秦更向西舊學三冬今轉  
富曾傷六翮養初齊王城曉日窺丹鳳蜀路晴天見  
碧雞早識卧龍應有分不妨從此躡丹梯

送周使君罷渝州歸郢州別墅

君思郢上吟歸去故自渝南擲郡章野戍岸邊留畫  
舸綠蘿陰下到山庄池荷雨後衣香起庭草春深綬

帶長只恐鳴騶催上道不容待得晚菘嘗

送浙江李僕射相公赴鎮

建節東行是舊游歡聲喜氣滿吳州郡人重得黃丞相童子爭迎郭細侯詔下初辭温室樹夢中先到景陽樓自憐不識平津閣遙望旌旗汝水頭

重送浙西李相公頃廉問江南已經七載後歷

滑臺劍南兩鎮遂入相今復領舊地新加旌旄

江北萬人看玉節江南千騎引金鉞鳳從池上遊滄海鶴到遼東識舊巢城下清波含百谷窓中遠岫列

三茅碧鷄白馬回翔久却憶朱方是樂郊

送前進士蔡京赴學究科

耳聞戰鼓帶經鋤振發聲名自里閭已是世間能賦客更攻窓下絕編書朱門達者誰能識絳帳書生盡不如幸遇天官舊丞相知君無翼上空虛

送唐舍人出鎮閩中

暫辭鴛鷺出蓬瀛忽擁貔貅鎮粵城閩嶺夏雲迎皂蓋建溪秋樹映紅旌山川遠地由來好富貴當年別有情了却人間婚嫁事復歸朝闕作公卿

送李中丞之楚州

緹騎朱旗入楚城士林皆賀振家聲兒童但喜迎賓  
守故吏猶應記姓名萬頃水田連郭秀四時烟月應  
淮清憶君初得崑山玉同向揚州携手行

奉送李戶部侍郎自河南尹再除本官歸闕

昔年內署振雄詞今日東都結去思宮女猶傳洞簫  
賦國人先詠袞衣詩華星却復文昌位別鶴重歸太  
乙池想到金閨待通籍一時驚喜見風儀

送蘄州李郎中赴任

楚門蘄水路非賒東望雲山日夕佳薤葉照人呈夏  
簞松花滿盞試新茶樓中飲興因明月江上詩情爲

晚霞北地交親長引領早將玄鬢到京華

送國子令狐博士赴興元覲省

相門學子高陽族才省清資五品官諫院過時榮棗  
萼謝庭歸去踏芝蘭山頭花帶煙霞晚棧底江涵雪  
水寒伯仲到家人盡賀柳宮蓮府遍相歡

送李二十九兄員外赴邠寧使幕

家襲韋平身業文素風清白至今貧南宮通籍新郎  
吏西族從戎舊主人城外草黃秋有雪烽頭烟靜虜  
無塵鼎門爲別霜天曉賸把離觴三五巡

送分司陳郎中祗召直史館重脩三聖實錄

蟬鳴官樹引行車言自成周赴玉除遠取南朝貴公  
子重脩東觀帝皇書常時載筆窺金匱暇日登樓到  
石渠若問舊人劉子駿如今白首在南徐

送慧則法師

者因口 廣宣上人

昨日東隣看講時都人象馬蹋琉璃雪山童子應前  
世金粟如來是本師一錫官歸九城路三衣曾拂萬  
年枝休公久別如相問楚客逢秋心更悲

送義舟師郤還黔南院便送歸江陵

黔江秋水浸雲霓獨泛慈航路不迷猿狖窺齋林葉  
動蛟龍聞呪浪花低如蓮半偈心常悟問菊新詩手

自携常記摩圍似靈鷲却將山屐上丹梯

送景玄師東歸

東林寺裏一沙彌心愛當時才子詩山下偶隨流水  
出秋來却赴白雲期灘頭躡屐挑沙菜路上停舟讀  
古碑想到舊房挑錫杖小松應有過簷枝

廣宣上人寄在蜀與韋令公唱和詩卷因以令

公手扎荅詩示之

碧雲佳句久傳芳曾向城都住草堂振錫常過長者  
宅披衣猶帶令公香一時風景添詩思八部人天入  
道場若許相期同結社吾家本自有柴桑



送僧元嵩東遊

予策名二十年百慮而無一得然後知世所謂道無非畏途唯出世間法可盡心耳  
繇是在席硯者多旁行四句之書備將迎者皆赤髭白足之侶架入智地靜通道源  
客塵觀盡妙氣來宅內視習中猶煎鍊然開士元嵩姓陶氏本丹陽名家世有人爵  
不籍其資於毗尼禪那極細密之義於中後日習總持之門妙音奮迅願力昭答雅  
聞予事佛而伎亟來相從或問師隳形之自對曰小夫怙恃堆棘心以求上乘積四  
十年有羸老將至而不懈始悲浚泉之有冽今痛防墓之未遷塗藹莫備薪火恐成  
諸相皆離此心長懸雖萬性歸佛盡為釋種如河入海無復水名然具一切智者豈  
惟遺百行求無量義者寧容斷聞思今聞南諸侯雅多士思作以苦調而希其未  
光無容云前有足悲者予聞是說已力不足而悲有餘因爲詩以之送庶乎踐霜露

者德之  
有測

寶書翻譯學初成振錫如飛白足輕彭澤因家凡幾  
世靈山預會是前生傳燈已悟無爲理濡露猶懷罔  
極情從此多逢大居士何人不願斛珠瓔

贈日本僧智藏

浮杯萬里過滄溟通禮名山適性靈深夜降龍潭水  
黑新秋放鶴野田青身無彼我那懷土心會真如不  
讀經爲問中華學道者幾人雄猛得寧馨

送元簡上人適越

孤雲出岫本無依勝境名山即是歸久向吳門遊好

寺還思越水洗塵機浙江濤驚獅子吼稽嶺峯疑靈  
鷲飛更入天台石橋去垂珠璀璨拂三衣

送宗密上人歸南山草堂寺因詣河南尹白侍

郎

宿習脩來得慧根多聞第一却忘言自從七祖傳心  
印不要三乘入便門東泛滄浪尋古跡西歸紫閣出  
塵喧河南白尹大檀越好把真經相對翻

西塞山懷古

西晉樓船下益州金陵王氣漠然收千尋鐵鎖沉江  
底一片降幡出石頭人世幾回傷往事山形依舊枕

寒流今逢四海爲家日故壘蕭蕭蘆荻秋

陽山廟賽神

梁松簡征至此遂  
爲共神在湖州

漢家都尉舊征蠻血食如今配此山曲蓋幽深蒼檜  
下洞簫愁絕翠屏間荆巫脉脉傳神語野老婆娑起  
醉顏日落風生廟門外幾人連蹋竹歌還

漢壽城春望

古荆州刺史治亭下有  
子胥廟兼楚王古墳

漢壽城邊野草春荒祠古墓對荆榛田中牧豎燒芻  
狗陌上行人看石麟華表半空經霹靂碑文絕見滿  
埃塵不知何日東瀛變此地還成要路津

荆州道懷古

南國山川舊帝畿  
宋臺梁館尚依稀  
馬嘶古道行人歇  
麥秀空城野雉飛  
風吹落葉填官井  
火入荒陵化寶衣  
徒使詞臣庾  
開府咸陽終日苦思歸

朗州竇員外見示與澧州元郎中郡齋贈荅長

句二篇因以繼和

鴛鴦差池出建章  
綵旗朱戶蔚相望  
新恩共理犬牙地  
昨日同含鷄舌香  
白芷江邊分駟路  
山桃蹊外接甘棠  
應憐一罷金閨籍  
枉渚相逢十度傷

早春對雪奉寄澧州元郎中

新賜魚書墨未乾  
賢人暫出遠人安  
朝驅旌旆行時

今夜見星辰  
憶舊官梅並覆堦  
鈴閣暖雪峯當戶  
戟枝寒寧知楚客思  
公子北望長吟澧有蘭

竇朗州見示與澧州元郎中早秋贈作命同荅

鄰境諸侯同舍郎  
芷江蘭浦恨無梁  
秋風門外旌旗動  
曉露庭中橘柚香  
玉簫微涼宜白晝  
金笳入暮應清商  
騷人昨夜聞啼鳥  
不歎流年惜衆芳

松磁洞望峽中

渡頭輕雨灑寒梅  
雲際溶溶雪水來  
夢渚草長迷楚望  
夷陵土黑有秦灰  
巴人淚應猿聲落  
蜀客船從鳥道回  
十二碧峯何處所  
永安宮外是荒臺

衢州徐員外使君遺以縞紵蕪竹書箱因賦一

篇用荅佳貺

按此舉本自婺州折置徐州自台州遷

爛柯山下舊仙郎  
別宿來添婺女光  
遠放歌聲分白紵  
纔知傳家學與青箱  
水朝滄海何時去  
蘭在幽林亦自芳  
聞說天台有遺愛  
人將琪樹比甘棠

唐秀才贈端州紫石硯以詩荅之

端州石硯人間重  
贈我因知正草玄  
關里廟堂空舊物  
聞方甕下豈天然  
玉蟬吐水霞光靜  
綠翰搖風絳錦鮮  
此日傭工記名姓  
因君數致墨池前

覽董評事思歸之什因以詩贈

幾年油幕佐征東  
郡泛滄浪狎釣童  
軟枕醉眠成戲蝶  
抱琴閑望送歸鴻  
文儒自襲膠西相  
倚杖能齊塞上翁  
更說扁舟動鄉思  
青菰已熟奈秋風

謝寺雙檜

雙檜蒼然古貌奇  
含煙吐霧鬱參差  
晚依禪客當金殿  
初對將軍映畫旗  
龍象界中成寶蓋  
鴛鴦瓦上出高枝  
長明燈是前朝焰  
曾照青青年少時

寄韓八壽州

風獵紅旗入壽春  
滿城歌舞向朱輪  
八公山下清淮水  
千騎塵中白面人  
桂嶺雨餘多鶴迹  
茗園晴望似

龍鱗聖朝方川敢言者次第應須舊諫臣

洛中寺北樓見賀監草書題詩

高樓賀監昔曾登壁上筆跡龍虎騰中國書流尚皇象北朝文士重徐陵偶因特見空驚目恨不同時便伏膺唯恐塵埃轉磨滅再三珍重囑山僧

聞韓賓擢第歸覲以詩美之兼賀韓十五曹長

時韓牧永州

零陵香草滿郊坰丹元雉飛入翠屏孝若歸來成畫讚孟陽別後有山銘蘭陔舊地多纒結桂樹新枝色更青爲報儒林文士道如今從此鬢星星

宣上人遠寄和禮部王侍郎放榜後詩因以繼

和

禮闈新榜動長安九陌人人走馬看一日聲名遍天下滿城桃李屬春官自吟白雪詮詞賦指示青雲借羽翰借問至公誰印可支郎大眼定中觀

贈東嶽張鍊師

東嶽真人張鍊師高情雅淡世間稀堪爲烈女書青簡久事元君住翠微金縷機中拋錦字玉清殿上着霓衣雲衢不要吹簫伴只擬乘鸞獨自飛

秘書崔少監見示墜馬長句因而和之

麟臺少諫舊仙郎洛水橋邊墜馬傷塵污腰間青  
綬風飄掌上紫遊韁上車著作應來問折臂三公定  
送方猶賴德全如醉者不妨吟詠入篇章

寄楊虢州與之舊姻

避地江湖知幾春今來本郡擁朱輪阮郎無復里中  
舊楊僕却爲關外人各繫一官難命駕每追前好易  
沾巾玉城山裏多靈藥擺落功名且養神

秋日題寶員外崇德里新居寶氏判度支案

長愛街西風景閑到君居處暫開顏清光門外一渠  
水秋景墻頭數點山疎種碧松過月朗多栽紅藥待

春還莫言堆案無餘地認得詩人在此間

蒙恩轉儀曹郎依前充集賢學士舉韓湖州自

代因寄七言

翔鸞閣下謝恩初通籍由來在石渠暫入南宮判祥  
瑞還歸內殿閱圖書故人猶在三江外同病凡經二  
紀餘今日薦君嗟久滯不惟文體似相如

途次華州陪錢大夫登北樓春望因覩李崔令

狐三相國唱和之什翰林舊侶繼踵華城山

水清高鳳翔集皆忝宿眷遂題此詩

城樓西望出風塵見盡關西渭北春百二山河雄上

國一雙旌旆委名臣壁中今日題詩處天上同時草  
詔人莫恠老郎呈濫吹官途離別舊情親

始聞秋風

昔看黃菊與君別今聽玄蟬我却回五夜颼颼枕前  
覺一年顏狀鏡中來馬思邊草拳毛動鵬盼青雲睡  
眼開天地肅清堪四望爲君扶病上高臺

洛中初冬拜表有懷上京故人

鳳樓南面控三條拜表郎官早渡橋清洛曉光鋪碧  
簾上陽霜葉剪紅綃省門簪組初成列雲路鴛鴦想  
退朝寄謝慇懃九天侶檜榆水擊各逍遙

蔚遲郎中見示自南遷牽復却至洛城東舊居  
之作因以和之

曾遭飛語十年謫新受恩光萬里還朝服不妨遊洛  
浦郊園依舊看嵩山竹含天籟清商樂水遶庭臺碧  
玉環留作功成退身地如今只是暫時閑

洛中謝福建陳判官見贈

潦倒聲名擁腫材一生多故若遭回南宮舊籍遙相  
管東洛關門晝未開靜對道流論藥石偶逢詞客與  
瓊瑰惟君近日文鋒利新向延平看劍來

和蘇十郎中謝病閉居時嚴常侍蕭給事同遊

訪歎初有二毛之作

清羸隱几望雲空左掖鴛鴦到室中一卷素書消永  
日數莖斑髮對秋風菱花照後容雖改蒼草占來命  
已通莫恠人人驚早白綠君尚是黑頭翁

酬淮南廖參謀秋夕見過之作

揚州從事夜相尋無限新詩月下吟初服已驚玄髮  
長高情猶向白雲深語餘時舉一杯酒坐久方聞四  
處砧不逐繁華訪閑散知君擺落俗人心

題王郎中宣義里新居

愛君新買街西宅客到如遊鄆社間雨後退朝貪種

樹申時出省趣看山門前巷陌三條近墻內池亭萬  
境閑見擬移居作隣里不論時日請開關

酬朗州崔員外與任十四兄侍御同過鄙人舊

居見懷之什時守吳郡

昔日居隣招屈處欄杆橘樹鷓鴣聲一辭御死青門  
去十見蠻江白芷生自此曾沾宣室召如今又守闔  
閩城何人萬里能相憶同舍仙郎與外兄

劉駙馬水亭避暑

千竿竹翠數蓮紅水閣虛涼玉簾空琥珀琖紅疑瀉  
酒水晶簾密更通風賜水滿盃沈朱實法饌盈盤覆



碧籠盡日逍遙避煩暑再三珍重主人翁

述舊賀遷寄陝虢孫常侍

南宮幸襲芝蘭俊左輔曾交印綬來多病未離清樂  
苑新恩已歷望仙臺關頭古墓桃林靜城下長河竹  
箭回聞說隨車有零雨此時偏動子荆才

江陵嚴司空見示與成都武相公唱和因命同

作

南荆西蜀大行臺幕府旌門相對開名重三司平水  
土威雄八陣後風雷彩雲朝望青城起錦浪秋經白  
帝來不是郢中清唱發誰當丞相揆天才

### 偃松詩

侍中後閣前有小松不特立而偃必相背  
公為賦詩美其猶龍蛇然植于高樑喬木  
胡上嵌旁軋盤蹙傾亞自不得天和者公  
以遂物性為意乃加怜焉命蕃土以壯其  
趾使無敵索綯以牽其餘使不仆與漱之  
飲以潤之顧盼之輝以照之發於人心感  
召和氣無復天關坐能敷舒曩之陸感化  
為奇古故雖衰犬而有偃號焉予嘗詣閣  
白事公為道所以且示以詩  
竊感嘉木之逢時裝然成詩

勢軋枝偏根已危高情一見與扶持忽從顛顛有生  
意卻為離披無俗姿影入巖廊行樂處韻含天籟宿  
齋時謝公莫道東山去待取成陰滿鳳池

贈致仕滕庶子先輩時及第人  
中最長

朝服歸來晝錦榮登科記上更無名壽觴每使曾孫  
獻勝境長携衆妓行鑣鑣旋鞍時騁健殷勤把酒尚  
多情凌寒却向山陰去衣繡郎君雪裏行

哭呂衡州時予方謫居

一夜霜風凋玉芝蒼生望絕士林悲空懷濟世安人  
畧不見男婚女嫁時遺草一函歸大史孤墳三尺近  
要離朔方徙歲行當滿欲爲君看第二碑

夔州竇員外使君見示悼妓詩顧余嘗識之命

同作

前年曾見兩鬟時今日驚吟悼妓詩風管學成知有

籍龍媒欲換嘆無期空廊月照常行地後院花開舊  
折枝寂寞魚山青草裏何人更立智瓊祠

竇夔州見寄寒食日憶故姬小紅吹笙因和之

鸞聲窈眇管參差清韻初調衆樂隨幽院妝成花下  
弄高樓月好夜間吹忽驚暮雨飄零盡唯有朝雲夢  
想期間道今年寒食日東山舊路獨行遲

哭龐京兆

少年有俊氣常  
擢制科之首

俊骨英才氣褻然策名飛步冠群賢逢時已自致高  
位得疾還因倚少年天上別歸京兆府人間空數茂  
陵阡今朝總悵哭君處前日見鋪歌舞筵

唐劉賓客詩集卷之五



國家圖書館, NATIONAL CENTRAL LIBRARY, TAIWAN, R.O.C.

唐劉賓客詩集卷之六

太子賓客禮部尚書

劉禹錫 夢得

五言絕句

荊州歌二首

渚宮楊柳暗麥城朝雉飛可憐踏青伴乘暖着輕衣

其二

今日好南風商旅相催發沙頭檣竿上始見春江濶

紀南歌

風烟紀南城塵土荆門路天寒獵獸者走上樊姬墓

視刀環歌

常恨言語淺不如人意深今朝兩相視脉脉萬種心

三閣辭四首

貴人三閣上日晏未梳頭不應有恨事嬌甚却成愁

其二

珠箔曲瓊鈎仔細見揚州北兵那得度浪語判悠悠

其三

沉香帖閣柱金縷畫門楣回首降幡下已見黍離離

其四

三人出笮井一身登檻車朱門漫臨水不可見鱸魚  
淮陰行四首

古有長干行言三江之事悉矣余嘗讀風淮陰作淮陰行以裨樂府

簇簇淮陰市竹橫綠岸上好日起檣竿鳥飛經五兩

其二

今日轉船頭金烏指西北煙波與春草千里同一色

其三

船頭大銅環摩挲光陳陳早晚便風來沙頭一眼認

其四

何物令儂羨羨郎船尾燕銜泥趨檣竿宿食長相見

紇那曲詞二首

楊柳鬱青青竹枝無限情周郎一回顧聽唱紇那聲

其二

隔浦望行船頭昂尾幟幟無柰晚來時清淮春浪軟

秋風引

何處秋風至蕭蕭送鴈群朝來入庭樹孤客最先聞

柳花詞二首

開從綠條上散逐香風遠故取花落時悠揚占春晚

其二

輕飛不假風輕落不委地繚亂舞晴空發人無限思

其三

晴天闌闌雪來送青春暮無意似多情千家萬家去

路傍曲

南山宿雨晴春入鳳凰城處處聞絃管無非送酒聲

君山懷古

屬居八十一此地阻長風千載滅靈盡潁山寒水中

庭竹

露滌鉛粉節風搖青玉枝依依似君子無地不相宜

唐郎中宅與公同飲酒看牡丹

今日花前飲甘心醉數杯但愁花有語不爲老人開

題壽安甘棠館二首

公館似仙家池清竹徑斜山禽忽驚起衝落半巖花

其二

門前洛陽道門裏桃源路塵土無烟霞其間十餘步

古詞二首

一作  
諷古

軒后初冠冕前旒爲蔽明安知從復道然後見人情

其二

簿領乃俗士清談信古風吾觀蘇令綽朱墨一何工

寓興二首

常談即至理安事非常情寄語何平叔無爲輕老生

其二

世途多禮數鵬鷄各逍遙何事陶彭澤拋官爲折腰

詠史二首

驃騎非無勢少卿終不去世道劇頽波我心如砥柱

其二

買主明王道衛綰工車戲同過漢文時何人居貴位

經檀道濟故壘

禹里長城壞荒營野草秋秣陵多士女猶唱白符鳩

史云當時人歌曰可憐  
白符鳩枉殺檀道濟

傷段右丞

江湖舊遊  
尚言交代

江海多豪氣朝廷有直聲何言馬蹄下一旦是佳城

傷獨孤舍人

貞元中余以御史監祠事河南獨孤生始仕為奉禮郎有事宗廟郊時必與之俱是甚熟及余謫武陵九年間獨孤生仕至中書舍人魏草禁中上方許以宰相元和十年春余祗召抵京師次都亭日舍人疾不起余聞因作傷詞以為吊

昔別矜年少今悲喪國華遠來同社燕不見早梅花

再傷龐尹

京兆歸何處章臺空暮塵可憐鸞鏡下哭殺畫眉人

七言絕句

魏宮詞二首

日晚長秋簾外報琴瑟  
舞在明朝添爐火欲熏衣  
麝憶得分明不忍燒

其二

日映西陵松柏枝下臺相顧一相悲朝來樂府長歌  
曲唱着君王自作詞

楊枝詞二首

迎得春光先到來淺黃輕綠映樓臺只緣裊娜多情  
思更被春風長倩猜

其二

巫峽巫山楊柳多朝雲暮雨遠相和因想陽臺無限  
事為君回唱柳枝歌

竹枝詞二首



楊柳青青江水平聞郎江上唱歌聲東邊日出西邊  
雨道是無晴却有晴

其二

楚水巴山江水平多巴人能唱本鄉歌今朝北客思歸  
去回入紇那披綠羅

隄上行三首

酒旗相望大隄頭隄下連牆隄上樓日暮行人爭渡  
急槳聲幽軋蒲東流

其二

江南江北望烟波入夜行人相應歌桃葉傳情竹枝

怨水流無限月明多

其三

春隄繚繞水徘徊酒舍旗亭次第開日晚出簾招估  
客我舸大艫落颿來

踏歌詞四首

春江月出大隄平隄上女郎連袂行唱盡新詞歡不  
見紅霞映樹鷓鴣鳴

其二

桃蹊柳陌好經過燈下妝成月下歌爲是襄王故宮  
地至今猶自細腰多

其三

新詞宛轉遞相傳  
振袖傾鬟風露前  
月落烏啼雲雨散  
遊童陌上拾花鈿

其四

日暮江南聞竹枝  
南人行樂北人悲  
自從雪裏唱新曲  
直到三春花盡時

步虛詞二首

阿母種桃雲海際  
花落子成三千歲  
海風吹折最繁枝  
跪捧金盤獻天帝

其二

華表千年一鶴歸  
凝丹為頂雪為衣  
星星仙語人聽盡  
却向五雲翻翅飛

阿嬌怨

望見葳蕤舉翠華  
試開金屋掃庭花  
須臾宮女傳來信  
言幸平陽公主家

秋詞二首

自古逢秋悲寂寥  
我今秋日勝春朝  
晴空一鶴排雲上  
便引詩情到碧霄

其二

山明水淨夜來霜  
數樹深紅出淺黃  
試上高樓清入

骨豈知秋色使一作人狂

秋扇詞

莫道恩情無重來人間榮謝遍相催當時初入君懷袖豈念寒爐有死灰

竹枝詞九首

四方之歌異音而同樂歲正月余建平里中兒聯歌竹枝吹短笛擊

鼓以赴節歌者揚袂睢舞以曲多為賢聆其音中黃鍾之羽卒章激許如吳聲雖儻獯不可分而含思宛轉有淇澳之豔昔屈原居沅湘間其民迎神詞多鄙陋乃為作九歌至于今荆楚歌舞之故余亦作竹枝九篇俾善歌者躡之附于未後之聽巴歛知變風之有自焉

其一

白帝城頭春草生白鹽山下蜀江清南人上來歌一曲北人陌上動鄉情

其二

山桃紅花滿上頭蜀江春水拍山流花紅易衰似郎意水流無限似儂愁

其三

江上朱樓新雨晴灤西春水縠紋生橋東橋西好楊柳人來人去唱歌行

其四

日出三竿春霧消江頭蜀客駐蘭橈憑寄狂夫書一

紙住在成都萬里橋

其五

兩岸山花似雪開  
家家春酒滿銀杯  
昭君坊中多女伴  
永安宮外踏青來

其六

城西門前濫灑堆  
年年波浪不能摧  
懊恨人心不如古  
少時東去復西來

其七

瞿塘嘈嘈十二灘  
此中道路古來難  
長恨人心不如水  
等閒平地起波瀾

其八

巫峽蒼蒼烟雨時  
清猿啼在最高枝  
箇裏愁人腸自斷  
由來不是此聲悲

其九

山上層層桃李花  
雲間烟火是人家  
銀釧金釵來負水  
長刀短笠去燒畬

楊枝詞九首

塞北梅花羞笛吹  
淮南桂樹小山詞  
請君莫奏前朝曲  
聽唱新翻楊柳枝

其二

南陌東城春早時相逢何處不依依桃紅李白皆誇  
好須得垂楊相發輝

其三

鳳闕輕遮翡翠幃龍池遙埒  
塵絲御溝春水相輝  
映狂殺長安年少兒

其四

金谷園中鶯亂飛銅駝陌上好風吹城中桃李須臾  
盡爭似垂楊無限時

其五

花萼樓前初動時美人樓上鬪腰肢如今拋擲長街

裏露葉如啼欲恨誰

其六

煬帝行宮汴水濱數枝楊柳不勝春晚來風起花如  
雪飛入宮牆不見人

其七

御陌青門拂地垂千條金縷萬條絲如今縮作同心  
結將贈行人知不知

其八

城外春風吹酒旗行人揮袂日西時長安陌上無窮  
樹唯有垂楊管別離

其九

輕盈袅娜占年華舞榭粧樓處處遮春盡絮飛留不  
得隨風好去落誰家

瀟湘神二首

湘水流湘水流九疑雲物至今愁君問二妃何處所  
零陵香草露中秋

其二

斑竹枝斑竹枝淚痕點點寄相思楚客欲聽瑤瑟怨  
瀟湘深夜月明時

浪淘沙詞九首

九曲黃河萬里沙浪淘風簸自天涯如今直上銀河  
去同到牽牛織女家

其二

洛水橋邊春日斜碧流清淺見瓊沙無端陌上狂風  
急驚起鴛鴦出浪沙

其三

汴水東流虎眼文清淮曉色鴨頭春君看渡口淘沙  
處渡却人間多少人

其四

鸚鵡洲頭浪颭沙青樓春望日將斜銜泥燕子爭歸

舍獨自狂夫不憶家

其五

濯錦江邊兩岸花  
春風吹浪正淘沙  
女郎剪下鴛鴦  
錦將向中流  
正晚霞

其六

日照澄洲江霧開  
淘沙女伴滿江隈  
美人首飾侯王  
印盡是沙中浪  
底來

其七

八月濤聲吼地來  
頭高數丈觸山回  
湏臾却入海門  
去捲起沙堆是雪堆

其八

莫道讒言如浪深  
莫言遷客似沙沉  
千濤萬酒雖辛  
苦吹盡狂沙始到今

其九

流水淘沙不暫停  
前波未滅後波生  
令人忽憶瀟湘  
渚回唱迎神三兩聲

洛中送韓七中丞之吳興口號五首

昔年意氣結群英  
幾度同行一字朋  
海北江南零落  
盡兩人相見洛陽城

其二

自從雲散各東西每日歡娛却慘悽離別苦多相見  
少一生心事在詩題

其三

今朝無意訴離杯何況清絃急管催本欲醉中輕遠  
別不知翻引酒杯來

其四

駱駝橋上蘋風急鸚鵡杯中箬下春水碧山青知好  
處開顏一笑向何人

其五

溪中仕女出色籬溪上鴛鴦避畫旗何處人間似仙

境春山携妓採茶時

送廖東遊二首

九陌逢君又別離行雲別鶴本無期望高樓上忽相  
見看過花開花落時

其二

繁花落盡君辭去綠草垂楊引征路東道諸侯皆故  
人留連必是多情處

洛中春末送杜錄事赴蘄州

樽前花下長相見明日忽爲千里人君過午橋回首  
望洛城猶自有殘春



夜燕福建盧侍御宅因送之鎮

暫駐旌旗洛水隄綺筵紅燭醉蘭闈美人美酒長相  
逐莫怕猿聲發建溪

重送鴻舉師赴江陵謁馬逢侍御

西北秋風凋蕙蘭洞庭波上碧雲寒茂陵才子江陵  
去乞取新詩合掌看

贈長沙讚頭陀

外道邪山千萬重真言一發盡摧峯有時明月無人  
夜獨向昭潭制惡龍

送霄韻上人遊天台

曲江僧向松江見又道天台看石橋鶴戀故巢雲戀  
岫比君猶自不逍遙

臺城懷古

清江悠悠王氣沉六朝遺事何處尋宮牆隱嶙圍野  
澤鸛鷓夜鳴秋色深

戲贈崔千牛

學道深山許老人留名萬代不關身勸君多買長安  
酒南陌東城占取春

揚州春夜李端公益張侍御登段侍御平仲密

縣李少府暘祕書張正字復元同會於水館

對酒聯句追刻燭擊銅鉢故事遲輒舉觥以  
飲之逮夜艾群公沾醉紛然就枕余偶獨醒  
因題詩於段君枕上以志其事

寂寂獨看金燼落紛紛只見玉山頽自羞不是高陽  
侶一夜惺惺騎馬回

逢王十二學士入翰林因以詩贈

時貞元十二年以藍田尉

充學士

鹿馬翩翩禁外逢星槎上漢香難從定知欲報淮南  
詔促召王褒入九重

闕下口號呈柳儀曹

綵仗神旗颯曉風雞人一唱鼓蓬蓬  
聖壺漏水何曾歇如此相催即老翁

監祠夕月壇書事

其祀用書

西皞司分晝夜平羲和停午太陰生鏗鏘揖讓秋光  
裏觀者如雲出鳳城

元和甲午歲詔書盡徵江湘逐客余自武陵赴

京宿於都亭有懷續其來諸子

雷雨江山起卧龍武陵樵客躡仙蹤十年楚水楓林  
下今夜初聞長樂鍾

元和十一年自湖州承召至京戲贈看花諸君

子

紫陌紅塵拂面來無人  
不道看花回玄都觀裏桃千  
樹盡是劉郎去後栽

再遊玄都觀

并引

余貞元二十一年為屯田員外郎時此觀  
未有花是歲出牧連州尋敗朗州司馬居  
十年召至京師人人皆言有道士手植仙  
桃滿觀如紅霞遂有前篇以志一時之事  
旋又出牧今十有四年復為主客郎中重  
遊玄都觀蕩然無復一樹唯瓦礫燕麥動  
播於春風耳因再題二十八字以俟後遊  
時大和二年三月某日

百畝庭中半是苔  
桃花淨盡菜花開  
種桃道士歸來處  
前度劉郎今又來

與歌者米嘉榮

唱得連州意外聲  
舊人唯數米嘉榮  
近來時世輕先輩  
好染髭鬚事後生

望夫石

正對和州郡樓

終日望夫夫不歸  
化為孤石苦相思  
望來已是幾千載  
只似當年初望時

聽舊宮中樂人穆氏唱歌

曾隨織女渡天河  
記得雲間第一歌  
休唱貞元供奉曲  
當時朝士已無多

石頭城

山圍故國周遭在潮打空城寂寞回淮水東邊舊時  
月夜深還過女墻來

烏衣巷

朱雀橋邊野草花烏衣巷口夕陽斜舊時王謝堂前  
燕飛入尋常百姓家

臺城

臺城六代競豪華結綺臨春事最奢萬戶千門成野  
草只緣一曲後庭花

生公講堂

生公說法鬼神聽身後空堂夜不扃高坐寂寥塵漠

漢一方明月可中庭

江令宅

南朝詞臣北朝客歸來唯見秦淮碧池臺竹樹三畝  
餘至今人道江家宅

韓信廟

將畧兵機命世雄蒼黃鍾室漢良弓遂令後代登壇  
者每一尋思怕立功

秋夜安國觀閏笙

織女分明銀漢秋桂枝梧葉共颼颼月露滿庭人寂  
寂霓裳一曲在高樓

故洛城古墻

粉落椒飛知幾春  
風吹雨洒旋成塵  
莫言一片危基在  
猶過無窮來往人

李賈一大諫拜命後寄楊八壽州

諫省新登二直臣  
萬方驚喜捧絲綸  
懸知天子明知日  
肯放淮南高卧人

美温尚書鎮定興元以詩寄賀

旌旗入境犬無聲  
戮盡鯨鯢漢水清  
從此世人聞耳目  
始知名將出書生

酬瑞州吳大夫夜泊湘川見寄一絕

夜泊湘川逐客心  
月明猿叫血沾襟  
湘妃舊竹痕猶淺  
從此因君染更深

徵還京師見舊番官馮叔達

前者匆匆僕馬行  
十年顛顛到京城  
南宮舊吏來相問  
何處淹留白髮生

與歌者何戡

二十餘年別帝京  
重聞天樂不勝情  
舊人唯有何戡在  
更與殷勤唱渭城

與歌童田順郎

天下能歌御史娘  
花前葉底奉君王  
九重深處無人

見分付新聲與順郎

燕爾館破屏風所畫至精人多歎賞題之

盡時應遇空亡日賣處難逢識別人唯有多情往來  
客強將衫袖拂埃塵

賞牡丹

庭前芍藥妖無格池上芙蓉淨少情唯有牡丹真國  
色花開時節動京城

題歛器圖

秦國功成思稅駕晉臣名遂歎危機無因上蔡牽黃  
犬願作丹徒一布衣

傷桃源薛道士

壇邊松在鶴巢空白鹿閑行舊徑中手植紅桃千樹  
發滿山無主任春風

王思道碑堂下作

蒼蒼宰樹起寒烟尚有威名海內傳四府舊聞多故  
吏幾人垂淚拜碑前

傷愚溪三首

故人柳子厚之謫永州得勝地結茅樹蔬  
為沼泚為臺榭目曰愚溪柳子沒三年有  
僧遊零陵告余曰愚溪無復曩時矣一聞  
恨言悲不能自勝遂以所聞為七言以寄

溪水悠悠春自來草堂無主燕飛回  
隔簾惟見中庭草一樹山橋依舊開

二

草聖數行留壞壁木奴千樹薦鄰家  
唯見里門通德榜殘陽寂寞出樵車

三

柳門竹巷依依在野草青苔日日多  
總有鄰人解吹笛山陽舊侶更誰過

傷循州渾尚書

貴人淪洛路人哀碧澗連天丹旆回  
遙想長安此時

節朱門深巷百花開

代靖安佳人怨二首

靖安佳人丞相武公居里名也元和十一年六月公將朝夜漏未盡三刻騎出里門遇盜斃于墻下於公爲郎余爲御史諒是有舊故今守遠服賤不可以誄又不得爲歌詩聲于楚挽故代作佳人怨以埋于樂府云

寶馬鳴珂踏曉塵魚文七首  
犯車茵適來行哭里門外  
昨夜華堂歌舞人

其二

秉燭朝天遂不回  
路人彈指望高臺  
墻東便是傷心地  
夜夜流螢飛去來

碧澗寺見元九侍御和展上人詩有三生之句  
因以和

廊下題詩滿壁塵塔前松樹已皴鱗古來唯有王文  
度重見平生竺道人

唐劉賓客詩集卷之六



唐劉賓客詩集拾遺

兢渡曲

兢渡始於武陵至今舉楫而相和之其音咸呼云何在斯招屈之義事見圖經

湘江五月平堤流邑人相將浮彩舟靈均何年歌已  
矣哀挽振楫從此起揚帆擊節雷聞闐亂流齊進聲  
轟然蛟龍得雨鬚鬣動蟠螭飲河形影連刺史臨流  
舉翠幃揭竿命爵分雄雌先鳴餘勇爭鼓舞未至銜  
枚顏色沮百勝本自有前期一飛由來無定所風俗  
如狂重此時縱觀雲委江之湄綵旗夾岸照鮫室羅  
襪凌波呈水嬉曲終人散空愁暮招屈亭前水東注

萋兮吟

天涯浮雲生爭蔽，日月光窮巷。秋風起先摧，蘭蕙芳  
萬貨列旗亭。恣心注明璫，名高毀所集。言巧智難防，  
多謂行大道。斯須成未行，莫吟萋兮什。徒使君子傷

有獺吟

有獺得嘉魚，自謂天見憐。先祭敢見食，捧鱗望清玄。  
人立寒沙上，心專脰着肩。魚翁以爲妖，舉塊投其前。  
呼兒貫魚歸，與獺同烹煎。關關黃金鸚，大翅搖江烟。  
下見盈尋魚，投身擘洪漣。攫拏隱嶙去，哺雛林岳巔。  
鴟鳥知伺隙，遙探莫敢前。長居青雲路，彈射無由緣。  
何地無江湖，何水無鮪鱸。天意不宰割，非祭徒虔虔。

空如知禮重，截在淹中篇

余次敷水驛，伏覩華州舅氏昔日行縣題詩處

潸然有感

昔日股肱守朱輪，茲地遊繁華。日已謝章句，此空留  
蔓草佳城閉，故枝棠樹秋。今來重垂淚，不忍過西州。

初至長安

時自外郡  
再授郎官

左遷允二紀，重見帝城春。老大歸朝客，平安出嶺人。  
每行經舊處，却想自前身。不改南山色，其餘事事新。  
後梁宣明二帝碑堂下作

玉馬朝周從此辭，園陵寂寞對豐碑。千行宰樹荆州

道暮雨蕭蕭聞子規

荅東陽于令丞碧圖詩

東陽本是佳山水何況曾經沈邑侯  
化得邦人解吟咏如今縣令亦風流  
新開洞口疑仙境遠寫丹書到雍州  
落在尋常畫師手猶能三伏凜生秋

詠樹红柿子

曉連星影出晚帶日光懸  
本因遺采掇翻自保天年  
渾侍中牡丹

徑尺千餘朶人間有此花  
今朝見顏色更不向諸家

平蔡州

九衢車馬渾渾流使臣來獻淮西囚  
四夷聞風失七筋天子受賀登高樓  
妖童擢髮不足數血污城西杯上南風無火楚  
澤闌夜行不鎖穆陵關策勳禮畢天下  
泰猛士看劍指常山

時常山不庭

劉賓客詩集拾遺



國家圖書館. NATIONAL CENTRAL LIBRARY, TAIWAN, R.O.C.

國家圖書館